

摘藻堂四庫全書薈要

子部

欽定四庫全書薈要卷一萬三百六十七

子部

管子卷十五

唐 房玄齡 註

勢第四十二

短語十六

戰而懼水此謂澹滅

方戰之時懼致水禍此必為水所澹而滅亡也

小事不從

大事不吉

苟懼水禍則事無小大未見其福也

戰而懼險此謂迷中

方戰之時

懼有險礙進退莫知所從故曰迷中言在迷惑之中

分其師衆人既迷芒必其將

亡之道

人既迷惑不知所從則無所用其力是以滅其師衆矣又況迷惑芒然乎若是者必亡其衆凡

此二事皆滅亡之道也

動靜者比於死

比近也用師之道我動而敵靜者則靜者勝矣故我

亡也近於死

動作者比於醜

我先動敵反作應者我必無功故近於醜

動信者比

於距

我既動彼能自申以敵我如此者近於見距也

動詘者比於避

我既動而彼屈服者

見避近於

夫靜與作時以為主人時以為客

賢得度靜則為

主人其失度者則為客也

知靜之修居而自利

既多智而又安靜二者能修則居然自獲

其利也知作之從每動有功

知其所作常能從理如此者動必有功也

故曰無

為者帝其此之謂矣

言無心於為任理之自然如此者帝王之道也

逆節萌生

天地未形先為之政其事乃不成繆受其刑

言將為篡殺以逆之

節雖萌芽而生然天地寂泊不見徵應無從己之形此則先天而政天乃違之故其事不成則被誅戮受其刑也  
罪天因人聖人因天所謂先天而天不違後天而奉天時天時不作勿為

客不因天時而動者乃為客矣人事不起勿為始不因人事而起可謂先事為始慕

和其衆以修天地之從人先生之天地刑之聖人成之

則與天同極將建大事必慕和其衆天地既已從但當修天之意人先生是心天地又見其修意

有從順之形聖人則發動而正靜不爭動作不貳素質成如此者可謂與天同極也

不留全其素質無所留者與地同極能行正靜已下可謂與地同極也未得天極

則隱於德未得與天同極則隱而修德也已得天極則致其力已得天極則當

致力而成之若湯之既成其功順守其從人不能代從

升陟武王牧野是也

也功成矣則以順理守之所謂逆

取順守者也則人何能代之乎

成功之道羸縮為寶

羸縮猶行藏也所謂時行則行

毋亡天極究數而止

但盡

時止則止其道乃著故以為寶

天之數則止而勿為

事若未成毋改其形毋失其始

形謂常形也守常修始事

終有靜民觀時待令而起

言事未成之時但安靜其人謹候其時待天命令然後起

而應也

故曰修陰陽之從而道天地之常

道從羸羸縮縮

因而為當

必行藏順時然後事當重言之殷勤其事也

死死生生因天地之

形死生猶隱顯也聖人

天地之形聖人成之

因天地之形則無不

成也。小取者小利，大取者大利。但能法則大，小無不利。盡行之者有

天下。所謂唯天為大，唯堯則之。故賢者誠信以仁之，慈惠以愛之，端

政象不敢以先人。常執謙以下物。中靜不留。中心安靜，無所留著。裕德無

求。道德饒裕，無求於人。形於女色。女之容色靜而不先求者。其所處者柔安靜

樂。雖復隱處，常能柔安靜樂。行德而不爭，以待天下之漬作也。雖復為政，

行德常能謙讓，不與物爭漬動亂也。故賢者安徐正靜，柔節先定。先定謙柔之節，

然後有所興為也。行於不敢，則人不能與我爭勇。而立於不能，則人莫與我爭功。

守弱節而堅處之。守柔弱之節而堅明以自處也。故不犯天時，不亂民

功謙順故無所犯亂也秉時養人持四時之政以順養其人先德後刑賞以春夏刑以

秋冬順於天微度人既順於天又微度人之所宜以合之善周者明不能見

也此善於周周則極也萬物無所至如善明者周不能蔽

也此善於明明則極也如此者則雖善周之大明勝大周

則民無大周也明勝大周則人無能為大周也大周勝大明則民無大

明也此周勝大明則人無能為大明也大周之先可以奮

信奮信振起貌言既有大周之德大明之祖可以代天

下有大明之德可以為物祖如此則索而不得求之招

搖之下

招搖之星隨斗杓順時而建者也天下者神器直欲索之則不得若求之招搖之下順時而取

則可獸厭走而有伏網罟

獸所以憎厭其走者恐前有伏網罟故聖人不敢以直道

取天下者恐有大禍故也一偃一側不然不得偃側猶倚伏也聖人之取天下知云云文

設武伏如其不然則天位不可得也大文三曾而譽義與德大武三曾而

偃武與力

大文三曾則文道行也故能成其德義大武三曾則武道行也故能偃其武力

### 正第四十三

### 短語十七

制斷五刑各當其名罪人不怨

服罪故不怨也

善人不驚曰刑

刑當故不驚如正之

所以勝姦正也

服之

所以服不能也

勝之

所以勝姦邪



飾之

修飾身也

必嚴其令而民則之曰政

令嚴則人作法也如

四時之不貸如星辰之不變如宵如晝如陰如陽

陰陽晝

皆有如日月之明曰法

法之用守常不變

愛之生之養之成之

利民不德

利雖及人不以為德也

天下親之曰德

德用之思萬物親之無德

無怨無好無惡萬物崇一陰陽同度曰道

道之用刑以不二者

弊之政以命之法以過之德以養之

物待德養而成道以明之

明是非也

刑以弊之母失民命

刑斷合理故人命不失也

令之以終其欲

明之母徑

行令所以終人之欲使之明識正道不從邪徑也

過之以絕其志意

毋使民幸

用法正人之志意不使人有非分之幸也

養之以化其惡必自身

始身惡盡則人惡化

明之以察其生必修其理

恐有不修理故以明察之致

刑其民庸心以蔽

庸用也不用心以斷則濫及不辜

致政其民服信以

聽

服用也謂用誠信聽理於人

致德其民和平以靜

君德及人以致和靜

致道

其民付而不爭

人被道則相付任而不交爭也

罪人當名曰刑

罪當其名刑之

謂也出令時當曰政

令當於政時之謂也

當故不改曰法

不改當故法之謂也

愛民無私曰德

君愛無私德之謂也

會民所聚曰道

聚謂衆所宜也能令衆宜

謂也道之

立常行政能服信乎

服信則政行常立

中和慎敬能日新

乎苟能和敬則其德日新也正衡一靜能守慎乎衡平也言但能守慎則政平而靜一

廢私立公能舉人乎但公而無私則能舉人也臨政官民能後其身

乎後其身則能臨政官人也能服信政此謂正紀能行信正者正之紀能服日

新此謂行理能行日新謂行之理也守慎正名偽詐自止能慎則詐息也

舉人無私臣德咸道無私則不妄舉故臣德皆合於道也能後其身上佐

天子後身則先公故能上佐天子也

九變第四十四謂人之情變有九

短語十八

凡民之所以守戰至死而不德其上者有數以至焉或守

或戰雖復至死不敢恃之以德於上  
則有數存焉於其間故能至死也

曰大者親戚墳墓

之所在也

一變也

田宅富厚足居也

二變

不然則州縣鄉黨

與宗族足懷樂也

三變

不然則上之教訓習俗慈愛之於

民也厚無所往而得之

君之思厚皆在於人無所他往故得人之致死四變

不然

則山林澤谷之利足生也

五變

不然則地形險阻易守而

難攻也

六變

不然則罰嚴而可畏也不然則賞明而足勸

也

七變

不然則有厚功於上

也

功厚則祿多故亦自為戰而不德於君九變

此民之所以守戰至死而不

德其上者也今恃不信之人而求以智用不守之民而欲以固將不戰之卒而幸以勝此兵之三閤也

任法第四十五

區言一

聖君任法而不任智任數而不任說任公而不任私任大道而不任小物小事然後身佚而天下治失君則不

然舍法而任智故民舍事而好譽舍數而任說故民舍實而好言舍公而好私故民離法而妄行舍大道而任小物故上勞煩百姓迷惑而國家不治聖君則不然守

道要處佚樂馳騁弋獵鐘鼓竽瑟宮中之樂無禁園也

宮中之樂所以悅體安性故不禁禦之也

不思不慮不憂不圖

但任法數故無所慮圖也

利身體便形軀養壽命垂拱而天下治

但任法數則事簡故身不勞壽

命長而天下自理也

是故人主有能用其道者

道則謂上法數公正大道

不事

心不勞意不動力而土地自辟困倉自實蓄積自多甲

兵自彊羣臣無詐偽百官無姦邪奇術技藝之人莫敢

高言孟行以過其情以遇其主矣

孟大也遇待也不敢以謬妄姦言妄行以

待其主也昔者堯之治天下也猶埴之在埏也

埏和也音羶

唯陶

之所以為猶金之在鑪冶之所以鑄其民引之而來  
推之而往使之而成禁之而止故堯之治也善明法禁  
之令而已矣黃帝之治天下也其民不引而來不推而  
往不使而成不禁而止

此黃帝之於堯則堯有為而黃帝無為

故黃帝之

治也置法而不變使民安其法者也所謂仁義禮樂者

皆出於法

法行順仁義生

此先聖之所以一民者也

法所以齊一於民也

周書曰國法

有國者有法也

法不一則有國者不祥

法不一則亂故不祥

民不道法則不祥

道從

國更立法以典民則祥

更改也典主也言能

觀宜改法以主於人則國理故祥也羣臣不用禮義教訓則不祥百官服

事者離法而治則不祥

服行也

故曰法者不可恒也

法敝則當

變故不恒

存亡治亂之所從出

法順則存治法違則亂亡

聖君所以為天

下大儀也

君為天下之儀表也

君臣上下賢賤皆發焉

莫不取法於君臣發

行故曰法古之法也

立法者必師古

世無請謁任舉之人

任保也以

法取人則無請謁之保舉

無間識博學辯說之士

博學辯說之人不

敢間亂識事也

無偉服無奇行

偉服奇行皆過越法制者今止息者畏法故也

皆囊於

法以事其主

囊者所以藏過行以順於法上事其主

故明王之所



恒者二一曰明法而固守之二曰禁民私而收使之

以謂

法收歛而使之

此二者主之所恒也

廢此二者則政亂

夫法者上之所

以一民使下也私者下之所以侵法亂主也故聖君置

儀設法而固守之然故謹杆習士聞識博學之人不可

亂也

杆所以毀碎於物者也謂姦詐之人偽託於謹以毀君法習士謂習法之士聞識謂多聞廣識君守

法堅故此等莫能亂也

衆彊富賚私勇者不能侵也信近親愛者

不能離也

離猶違也

珍惟奇物不能惑也萬物百事非在法

之中者不能動也

珍惟奇物此正法為惟僻

故法者天下之至道也

道無越於法者

聖君之實用也

用法為理國之實

今天下則不然皆有

善法而不能守也然故謀杵習士聞識博學之士能以

其智亂法惑上衆彊富賈私勇者能以其威犯法侵陵

謂侵陵於君也

鄰國諸侯能以其權置子立相

鄰國恃權能廢置君之子援立

國大臣能以其私附百姓

謂用私恩誘百姓使附也

翦公財以祿私

士

謂翦公財以祿私士此皆以君不守法故也

凡如是而求法之行國之治

不可得也

謂從失法之後國不可得理也

聖君則不然卿相不得翦其

私羣臣不得辟其所親愛聖君亦明其法而固守之羣

臣修通輻湊

謂各得自通於君如輻之湊也

以事其主百姓輯睦聽令

道法以從其事

道從也

故曰有生法有守法有法於法夫

生法者君也

君始制法故曰生法

守法者臣也

臣則守法而行

法於法者

民也

人則法君之法

君臣上下尊賤皆從法此謂為大治故主

有三術

謂上主中主危主也

夫愛人不私賞也惡人不私罰也置

儀設法以度量斷者上主也愛人而私賞之惡人而私

罰之倍大臣離左右專以其心斷者中主也臣有所愛

而為私賞之有所惡而為私罰之

為大臣愛惡之故而私賞罰也

倍其

公法損其正心

謂損政教之正

專聽其大臣者危主也故為人

主者不重愛人不重惡人重愛曰失德重惡曰失威

隨君

臣愛惡則威德皆在於臣故曰失也

威德皆失則主危也故明王之所操

者六生之殺之富之貧之賤之此六柄者主之所

操也主之所處者四一曰文二曰武三曰威四曰德此

四位者主之所處也藉人以其所操命曰奪柄藉人以

其所處命曰失位奪柄失位而求令之行不可得也

既至

於奪柄失位之後欲求令行不可得

法不平令不全是亦奪柄失位之道

也法不平令不全則柄位不可得而保故曰奪柄失位之道故有為枉法有為毀令

此聖君之所以自禁也言有枉法毀令聖君則能禁止之故賢不能威

富不能祿賤不能事近不能親美不能淫也此五事解見下文

植固而不動奇邪乃恐則所立堅則不可動若奇邪則敗亡旋及故恐奇音羈奇革

而邪化令往而民移君之奇邪能有革化則令往而人已移心而從善也故聖

君失度量置儀法聖君見有失度量則置儀法以改也如天地之堅堅謂尊勝

如列星之固自古至今不見天星有虧敗也如日月之明無私耀臨如四時

之信寒暑之氣來必以時然故令往而民從之君能苞上之四事故令往人從也

而失君則不然法立而還廢之令出而後反之枉法而

從私毀令而不全是賢能威之富能祿之賤能事之近

能親之美能淫之也此五者不禁於身君身不能自禁止也是以

羣臣百姓人挾其私而幸其主妄布非分之思彼幸而得之則

主日侵臣得不當得之恩則主日見侵也彼幸而不得則怨日產若不得所

幸則怨毒日生也夫日侵而產怨此失君之所慎也凡為主而

不得用其法不適其意顧臣而行凡有所行不敢自專顧望其臣而為之也

離法而聽賢臣賢臣雖有離法亦聽從之此所謂賢而威之也言賢臣能

威於君也

富人用金玉事主而來焉

謂以金玉來事主也

主離法而聽

之此所謂富而祿之也

言富人能祿於君也

賤人以服約卑敬悲

色告愬其主

服約謂屈服隱約也

主因離法而聽之所以賤而事

之也

言賤人善諂君聽之

近者以偏近親愛有求其主主因離法

而聽之此所謂近而親之也

言近者恃親以要君則君從

美者以巧

言令色請其主主因離法而聽之此所謂美而淫之也

言美者能以顏色淫動於君故君亦聽之

治世則不然不知親疎遠近賈賤

美惡以度量斷之其殺戮人者不怨也

殺當其罪故不怨也

其賞

賜人者不德也

以功受賞故不德於君也

以法制行之如天地之無

私也是以官無私論士無私議民無私說皆虛其句以

聽於上

句恐懼貌

上以公正論以法制斷故任天下而不重

也

法制行則事簡故不重也

今亂君則不然有私視也故有不見也

有私聽也故有不聞也有私慮也故有不知也

凡私則不周故

有不見聞知也

夫私者壅蔽失位之道也上舍公法而聽私說

故羣臣百姓皆設私立方以教於國

方謂異道術也

羣黨比周

以立其私請謁任舉以亂公法人用其心以幸於上上



無度量以禁之是以私說日益而公法日損國之不治

從此產矣夫君臣者天地之位也民者衆物之象也各

立其所職以待君令羣臣百姓安得各用其心而立私

乎故遵主令而行之雖有傷敗無罰遵令而行敗非已致故無罰也

主令而行之雖有功利罪死失令有功法所赦故罪死然故下之

事上也如響之應聲也臣之事主也如影之從形也故

上令而下應主行而臣從此治之道也夫非主令而行

有功利因賞之是教妄舉也賞不從令是教妄為舉措遵主令而行

之有傷敗而罰之是使民慮利害而離法也羣臣百姓人慮利害而以其私心舉措則法制毀而令不行矣

### 明法第四十六

區言二

所謂治國者主道明也

主道明則公法明故國治

所謂亂國者臣術

勝也

臣術勝則私事立故國亂

夫尊君卑臣非計親也以執勝也

尊令

君卑

臣者其計非欲使親

百官識非惠也刑罰必也

必令

君也

但令君執其勝也

故君臣共道則亂

臣行君事

百官識非公之惠而不敢受又

知刑罰必行無妄求免罪也

故曰

專授則失

若君有所授與不合衆心而專之亦為失也

夫國有四亡令

求不出謂之滅

求不出令則下無所稟故滅

出而道留謂之壅

中道而留

止故曰壅

下情求不上通謂之塞

求不上通則與君隔絕故曰塞也

下情上

而道止謂之侵

下情雖欲上通中道為左右所止此則臣侵上事也

故夫滅侵塞

壅之所生從法之不立也是故先王之治國也不淫意

於法之外

淫遊也

不為惠於法之內也

不屈法以成私惠也

動無非

法者所以禁過而外私也

外遺也

威不兩錯

臣行君威為兩置

政

不二門

臣出政是為二門也

以法治國則舉錯而已

言能以法理國但舉而置

之無不行

是故有法度之制者不可巧以詐偽

非法度不聽則詐偽何施

有權衡之稱者不可欺以輕重

以權衡稱之輕重立見也

有尋丈之

數者不可差以長短今主釋法以譽進能則臣離上而

下比周矣

比周於下所以求譽

以黨舉官則民務交而不求用矣

交合則自進官何須求用

是故官之失其治也是主以譽為賞以毀

為罰也

以毀譽為賞罰則官自然失理

然則喜賞惡罰之人離公道而

行私術矣

行私術自然得賞安用就公道而求乎

比周以相為匿是

比周者凡

有公是之事皆匿而不行也

忘主死交以進其譽故交衆者譽多

為交

友致死其譽自進

外內朋黨雖有大姦其蔽主多矣是以忠臣

死於非罪

朋黨共毀之故忠臣非罪而死

而邪臣起於非功

朋黨共譽之故邪臣

非功所死者非罪所起者非功也然則為人臣者重私而起

而輕公矣

私則得利公而致禍故重私而輕公矣

十至私人之門

私人之門謂所

與交私為

不一至於庭

謂之君庭

百慮其家不一圖國

重私輕公

故屬數雖衆非以尊君也

所屬之數雖曰衆多無不黨私故非尊君也

百官

雖具非以任國也

各務私故不任國事

此之謂國無人國無人者

非朝臣之衰也家與家務於相益不務尊君也大臣務

相賢而不任國小臣持祿養交不以官為事故官失其

能官各失能則與無人同也是故先王之治國也使法擇人不自舉

也使法量功不自度也

設法者自著擇人量功之條故不勞自舉度也

故能匿

而不可蔽

苟有材能則法自舉之不可隱蔽也

敗而不可飾也

無功而敗法自量之

故不可

譽者不能進

無材雖譽之而不能進也

而誹者不能退也

有功

虛飾也

雖誹之而不能退也

然則君臣之間明別

謂賢不肖有功者各明白而分別也

明別

則易治也

明別則無偽濫故易治也

主雖不身下為

謂不身為其事

而守法

為之可也

但守法則法自為之不勞身也

# 正世第四十七

## 區言三

古之欲正世調天下者必先觀國政料事務察民俗本

治亂之所生知得失之所在然後從事從故法可立而

治可行夫萬民不和國家不安失非在上則過在下今

使人君行逆不修道誅殺不以理重賦歛竭民財急使

令罷民力使令急故人力疲也財竭則不能毋侵奪人財竭則侵奪以共上耗

也力罷則不能毋墮倪倪傲也謂疲墮而傲從也民已侵奪墮倪因

以法隨而誅之則是誅罰重而亂愈起夫民勞苦困不

足則簡禁而輕罪如此則失在上失在上而上不變則

萬民無所託其命今人主輕刑政寬百姓薄賦歛緩使  
令然民淫躁行私而不從制飾智任詐負力而爭則是  
過在下過在下人君不廉而變廉察也則暴人不勝邪亂

不止暴人不勝邪亂不止則君人者勢傷而威日衰矣

故為人君者莫貴於勝所謂勝者法立令行之謂勝法

立令行故羣臣奉法守職百官有常法不繁匿萬民敦

慤反本而儉力

謂廉嗇而勤力也

故賞必足以使

謂使人從善也

威必

足以勝

謂勝合姦邪也

然後下從故古之所謂明君者非一君



也五帝三王俱曰明君故曰非一

其設賞有薄有厚其立禁有輕有重

迹行不必同非故相反也皆隨時而變因俗而動夫民

躁而行僻則賞不可以不厚禁不可以不重

既躁而僻則難化須

厚賞以誘之重禁以威之

故聖人設厚賞非侈也立重禁非戾也賞

薄則民不利禁輕則邪人不畏設人之所不利欲以使

則民不盡力立人之所不畏欲以禁則邪人不止是故

陳法出令而民不從故賞不足勸則士民不為用刑罰

不足畏則暴人輕犯禁民者服於威殺然後從見利然

後用被治然後正得所安然後靜者也夫盜賊不勝邪

亂不止彊劫弱衆暴寡此天下之所憂萬民之所患也

憂患不除則民不安其居民不安其居則民望絕於上

矣夫利莫大於治害莫大於亂夫五帝三王所以成功

立名顯於後世者以為天下致利除害也事行不必同

所務一也

莫不務於理也

夫民貪行躁而誅罰輕罪過不發

有罪

過者不發舉也

則是長淫亂而便邪僻也有愛人之心而實合

於傷民

輕刑以愛人多反傷人也

此二者不可不察也

二者謂愛與傷人

夫

盜賊不勝則良民危

良人為盜所害故危

法禁不立則姦邪繁故

事莫急於當務

每事當其務則理也

治莫貴於得齊

齊謂無非人也

制民

急則民迫民迫則窘窘則民失其所葆

葆謂所恃為生者也

緩則

縱縱則淫淫則行私行私則離公離公則難用故治之

所以不立者齊不得也

謂上有非人也

齊不得則治難行故治

民之齊不可不察也聖人者明於治亂之道習於人事

之終始者也其治人民也期於利民而止

至於利人則止而勿理也

故其位齊也不慕古不留今

留謂守常不變

與時變與俗化夫

君人之道莫貴於勝勝故君道立

勝則無不服故君道立也

君道立

然後下從下從故教可立而化可成也夫民不心服體從則不可以禮義之文教也君人者不可以不察也

### 治國第四十八

區言四

凡治國之道必先富民民富則易治也民貧則難治也奚以知其然也民富則安鄉重家安鄉重家則敬上畏罪敬上畏罪則易治也民貧則危鄉輕家

危謂不安其所居也

危

鄉輕家則敢陵上犯禁陵上犯禁則難治也故治國常

富而亂國常貧是以善為國者必先富民然後治之昔

者七十九代之君法制不一號令不同然俱王天下者

何也必國富而粟多也夫富國多粟生於農故先王貴

之凡為國之急者必先禁末作文巧末作文巧禁則民

無所游食民無所游食則必農

謂必務農

民事農則田墾田

墾則粟多粟多則國富國富者兵彊兵彊者戰勝戰勝

者地廣是以先王知衆民彊兵廣地富國之必生於粟

也故禁末作止奇巧而利農事今為末作奇巧者一日

作而五日食

言取一日之利可共五日之食也

農夫終歲之作不足以

自食也然則民舍本事而事末作舍本事而事末作則

田荒而國貧矣凡農者月不足而歲有餘者也而上徵

暴急無時

謂徭稅不以時

則民倍貸以給上之徵矣

倍貸謂貸一還二也

耕耨者有時而澤不必足

謂雨澤不足也

則民倍貸以取庸矣

澤不足則歲凶富者倍貸於貧不能還其倍價者則計所倍而取庸矣

秋糴以五春糴以

束是又倍貸也

謂富者秋時以五糴之至春出糴便收其束矣此亦倍貸之類也束十足也

故以上之徵而倍取於民者四

謂上無時之徵一也澤不足二也秋糴春糴三也

下關市府庫之徵四也關市之祖府庫之徵粟什一廝興之事此

四時亦當一倍貸矣

府庫謂府之庫新有徵稅言人供關市府庫之徵亦用粟之什一計

四時常有所用故亦當一倍貸之

夫以一民養四主

四主即上四倍貸也

故逃徙

者刑

謂有刑罰

而上不能止者粟少而民無積也常山之東

河汝之間蚤生而晚殺五穀之所蕃孰也四種而五穫

四種謂四時皆種五穫謂五穀皆宜而有所穫

中年畝二石一夫為粟二百石

今也倉粟虛而民無積農夫以粥子者上無術以均之

也故先王使農士商工四民交能易作

交能易作謂雖士亦善於農工

雖農亦通  
於士業也

終歲之利無道相過也

道從也四人均能故其利無從相過之也

是以民作一而得均

四人交能易作故曰一也

民作一則田墾姦巧

不生田墾則粟多粟多則國富姦巧不生則民治富而

治此王之道也不生粟之國亡粟生而死者霸

霸者或不能廣

積粟故人有不生而致死者也

粟生而不死者王

王者積粟既多故人保其生無復致死者

也粟也者民之所歸也粟也者財之所歸也

有粟則人歸之

也者地之所歸也

積粟既多或有入地歸降者也

粟多則天下之物盡

至矣故舜一徙成邑二徙成都參徙成國舜非嚴刑罰



重禁令而民歸之矣去者必害

謂背僻而去者

從者必利也先

王者善為民除害興利故天下之民歸之所謂興利者

利農事也所謂除害者禁害農事也農事勝則入粟多

入粟多則國富國富則安鄉重家安鄉重家則雖變俗

易習

謂改易其常習

毆衆移民至於殺之而民不惡也此務粟

之功也上不利農則粟少粟少則人貧人貧則輕家輕

家則易去易去則上令不能必行上令不能必行則禁

不能必止禁不能必止則戰不必勝守不必固矣夫令

不必行禁不必止戰不必勝守不必固命之曰寄生之

君

謂斃寄為生不能長久

此由不利農少粟之害也粟者王之本

事也人主之大務有人之塗

謂保有其人其塗因粟也

治國之道也

管子卷十五


謹案卷十三第三頁前七行版法形勢之屬刊本  
脫形字據本書增

第三頁前八行則劉向編校之日刊本訛作劉向  
編校之由曰今改

卷十四第九頁前七行我既誠信刊本誠訛誠今  
改

卷十五第十三頁後一行出而道留謂之壅刊本  
壅作擁據卷二十一明法解篇改

[illegible]



總校官庶吉士臣侍朝

校對官檢討臣王鍾健

謄錄監生臣葉椿

欽定四庫全書薈要

子部

管子卷十六

七

詳校官主事臣陳木



欽定四庫全書薈要一萬三百六十八

子部

管子卷十六

唐 房玄齡 註

內業第四十九

區言五

管子

之物之精此則爲生

精謂神之至靈者也得此則爲生

下生五穀上爲

列星流於天地之間謂之鬼神藏於胸中謂之聖人是

故民氣

謂上之精者則人氣也

杲乎如登於天

杲明貌也

杳乎如入於

淵淖

女教反

乎如在於海

淖洿潤也

卒乎如在於已

人有氣則存故如在



也。於已。是故此氣也不可止。以力。以力止之。氣愈去。而可安以德。

靜心念德。氣自來也。不可呼以聲而可迎以音。調其宮商使之敬。克諧氣自來也。

守勿失。是謂成德。不失氣。成德成而智出。德成智。自生也。萬物果

得。以智安物。物皆得宜。凡心之刑。刑法也。謂得安心之法也。自充自盈。充盈謂完而無

虧。自生自成。生。成謂每心生必有所成。凡此皆得安心法故也。其所以失之必

以憂樂喜怒欲利。此六者過常以亂於心則失矣。能去憂樂喜怒欲利

心乃反濟。若能去六者則心反守其所而能濟成也。彼心之情利安以寧。寧安

者心之。所利也。勿煩勿亂。和乃自成。若無煩亂。和自成。折折乎如在於

側忽忽乎如將不得折折明貌言心明察若在其側渺

渺乎如窮無極渺渺微遠貌言心之微此稽不遠日用

其德常以此考心不遠夫道者所以充形也自形內而虛者皆道

而人不能固人不能固守其虛其往不復其來不舍既有

利欲之心則道往而不謀乎莫聞其音今謀欲尋於道復雖其有來無處可舍

卒乎乃在於心冥冥乎不見其形尋至於極則近於心

乎淫淫乎與我俱生淫淫增進貌有生則有不見其形

不聞其聲而序其成謂之道雖無形聲常依序而成故謂之道也

凡道無所善心安愛

言道無他善唯愛心安也

心靜氣理道乃可止

若靜心則氣自調理故道來止也

彼道不遠民得以產

人得之以生則道在人故不遠

也彼道不離民因以知人既因道而知則

是故卒乎其

如可與索

推尋其終似可與索

眇眇乎其如窮無所

及欲窮之則眇眇然無所

彼道之情惡音與聲

音聲者所以亂道故惡之也

修心靜音道乃可

得道也者口之所不能言也目之所不能視也耳之所

不能聽也所以修心而正形也

雖不可以言語視聽用之修心則外形自正也

人之所失以死所得以生也事之所失以敗所得以成

也

凡道無根無莖無葉無榮

道非如卉木而有根莖花葉也

萬物以生萬

物以成命之曰道

則無根莖而能生無花葉而能成則陰陽不測者也故命之曰道

天主

正平分四時地主平

均生萬物地之平也

人主安靜

無爲而無不爲人之安靜

也春秋冬夏天之時也山陵川谷地之枝也

爲地之喜枝條也

怒取予人之謀也

四者謀之用也

是故聖人與時變而不化

自時

變耳聖從物而不移

物遷而從之聖本不移

能正能靜然後能定

必正靜然定心在中耳目聰明四枝堅固

心苟定於中則耳目自聰

明四枝自可以爲精舍心者精之所舍精也者氣之精者也之氣

尤精者氣道乃生氣得道生乃思生則有心思乃知思則

爲之精也知生知乃止矣成智則理足故止也凡心之形過知失生安心之法智過

其度則失其生一物能化謂之神一事能變謂之智一謂無心於

物事而物事自變化化以爲神智也化不易氣變不易智惟執一之君子

能爲此乎苟執一故能不執一不失能君萬物無心者

主君子使物不爲物使無心故能使物得一之理治心

在於中苟得中則心自治矣治言出於口治事加於人則無然則

天下治矣一言得而天下服一言定而天下聽公之謂

也理心之謂形不正德不來中不靜心不治正形攝德天仁

地義則淫然而自至

言欲正形攝德但能則天之仁法地之義則德淫然自至淫進貌也

神明之極照乎知

照智者神明之極理

萬物中義守不忒

若常守中則無

差忒不以物亂官

貪物則官亂

不以官亂心

貪官則心亂也

是謂中得

能忘官貨則中心自得也

有神自在身

中得則神自在身也

一往一來莫之能

思神不測者也故往來不能思也

失之必亂得之必治

謂神也

敬除其舍

精將自來精想思之

除謂有則想思之

寧念治之

寧靜思念嚴則心自治

容畏敬精將至定

但能嚴敬則精至而定也

得之而勿捨耳目不淫

心無他圖

既得精守之而勿捨則耳目不淫心無他慮也

正心在中萬物得度

心在中而正則無過舉故萬物得度也

道滿天下普在民所民不能知也

言人皆有道但不能自知耳

一言之解上察於天下極於地蟠滿九

州若能解道之一言則能察天極地而中滿於九州蟠委地也

何謂解之在於心安

解道者在於心安

我心治官乃治我心安官乃安

言官之治安皆從心生也

治之者心也安之者心也

治之與安心以藏心

言心亦藏於心

也心之中又有心焉

以心藏心故心中又有心

彼心之心

謂心中所藏之心

音以先言

言從音生故音先言

音然後形

有音然後見也

形然後言

有形則是

言言然後使

有言則出命故有所使令

使然後治不治必亂

使而違理故亂

亂乃死

亂則凶禍至故死也

精存自生其外安榮

精存於中則自然長生至於外

形靜而內藏以爲泉原

內藏於精則無窮竭若水之泉

浩然和平以爲

氣淵

言精既浩然和平則能生氣故爲氣淵

淵之不涸四體乃固

生氣之淵不有

竭涸故四

泉之不竭九竅遂通

藏精之泉不竭故九竅通也

乃能窮

天地被四海

體固竅通故能壽畢天地德被四海

中無惑意外無邪蓄

邪蓄

生於惑意故內無惑

心全於中形全於外

中全則外完

不逢



天菑不遇人害

天菑人害能禍不全者也

謂之聖人人能正靜皮膚

裕寬耳目聰明筋信而骨強

但能正靜則皮膚自裕寬耳目自聰明筋骨自中強

乃能戴大圜

天也

而履大方

地也

鑒於大清

道也

視於大明

日也

也敬慎無忒日新其德徧知天下窮於四極敬發其充

充謂是謂內得

發行於道故內得也

然而不反此生之忒

忒差也若不反

守於道則生

有差謬也

凡道必周必密

周密則慎不泄

必寬必舒

寬舒則博而密

必堅必固

堅固

則精守善勿舍

勿舍則善自成

逐淫澤薄

競逐淫邪津澤浮薄

既知其極

反於道德

知極反德常道自隆

則全心中不可蔽匿

有諸內必形於外也

和於形容

心和者容睟也

見於膚色

內暢者體澤

善氣迎人親於弟

兄惡氣迎人害於戎兵不言之聲疾於雷鼓

謂全心以德感物者

也德者不疾而速不崇朝心氣之形明於日月察於父

母全心之氣發形於外則無不耀無

賞不足以勸善

慕

乃善非刑不足以懲過

畏刑懲過非本無過

氣意得而天下服

慕賞不畏刑意氣內得

心意定而天下聽

心意定則理明故天下聽

也搏氣如神萬物備存

搏謂結聚也結聚純氣則無所不變化故如神而物備存矣

能搏乎能一乎

搏結則自一也

能無卜筮而知吉凶乎

吉凶在於逆順

故不須卜能止乎能已乎

謂正而求諸已也

能勿求諸人而得

之已乎

求人者惑自得者明

思之思之又重思之

求已者必須思再三思之也

之而不通鬼神將通之

或再三思之而不通則致鬼神爲通之也

非鬼神

之力也精氣之極也

言今能致鬼神者非鬼神自見其力蓋由思之不已精氣之極也

四體既正血氣既靜一意搏心耳目不淫雖遠若近

體正氣靜意一心搏耳目之用不有淫過事雖遠大可以近速而成也

思索生知

近而遇思索其

知自慢易生憂

疎慢輕易必致凶禍故生憂

暴傲生怨

殘暴傲虐傷害必多故生

也憂鬱生疾憂志鬱塞懷不疾困乃死既疾而困可思

之而不捨內困外薄思欲不捨則五藏困不蚤爲圖生

將巽舍既已內困外薄尚不圖之如此則食莫若無飽

飽食者善閉塞思莫若勿致多思者節適之齊彼將自至齊中

能節食適思常莫過中則生將自至凡人之生也天出其精言稟精地出

其形地出衣食以合此以爲人言合天地精和乃生二

和乃成其生也和不生察和之道其精不見其徵不醜醜類也言

欲察和則精不可見至於徵驗又不知其類也平正擅術論治在心此以長壽

和之情類雖可知見但能平而正則和氣獨擅於中論其適理又不離心如此則可以益算而長壽也

怒之失度乃爲之圖

若忿怒過度則當圖而去之

節其五欲去其二

凶喜怒過度皆能爲害故曰二凶

不喜不怒平正擅

不喜不怒可謂和也故能既平

且正獨擅

凡人之生也必以平正所以失之必以喜怒

憂患是故止怒莫若詩

詩有清風之慰故能止怒

去憂莫若樂節樂

莫若禮守禮莫若敬守敬莫若靜內靜外敬能反其性

性將大定凡食之道大充傷而形不臧

大充謂過於飽

大攝骨

枯而血涸

大攝謂過於飢血涸謂血銷減而凝涸

充攝之間此謂和成

猶

中也充攝得中則精之所舍而知之所生言精智生舍於和成飢

飽之失度乃爲之圖圖之令合於度飽則疾動飽而疾動飢則

廣思飢而廣思則忘其飢老則長慮老而長慮則遺其老飽不疾動氣不通

於四末四末四支飢不廣思飽而不廢廢止也老不長慮困乃

遯竭令老則益困而速竭大心而敢心既浩大又能勇敢寬氣而廣當寬舒其氣而

廣有其形安而不移形安則志固故不移能守一而棄萬苛守一則惡

煩故能棄萬苛也見利不誘見害不懼寬舒而仁獨樂其身是

謂雲氣意行似天能調其氣故比於雲意之行氣似天之布雲也凡人之生也

必以其歡

歡則志氣和故生也

憂則失紀怒則失端

憂怒過常則失其端紀

憂悲喜怒道乃無處

憂怒則害道無所處

愛慾靜之遇亂正之

謂若愛慾則當靜之

勿引勿推福將自歸

去而勿引來而勿推但任

平而往福則自歸也

彼道自來可藉與謀

藉因也因其自來而與之謀則意動而理盡

靜則得之躁則失之靈氣在心一來一逝

靜則來其細躁則逝

無內其大無外所以失之以躁爲害心能執靜道將自

定得道之人理丞而屯泄凶中無敗

謂腠理丞達屯聚泄散故凶中無敗

節欲之道萬物不害

能節欲則物無害也

封禪第五十

元篇亡今以司馬遷封禪書所載管子言以補之

雜篇一

桓公既霸會諸侯於葵丘而欲封禪管仲曰古者封泰

山禪梁父者七十二家而夷吾所記者十有二焉昔無

懷氏

古之王者在伏羲前

封泰山禪云云

云云山在梁父東

慮羲封泰山

禪云云神農封泰山禪云云炎帝封泰山禪云云黃帝

封泰山禪亭亭

亭亭山在平陰

顓頊封泰山禪云云帝嚳封泰

山禪云云堯封泰山禪云云舜封泰山禪云云禹封泰

山禪會稽湯封泰山禪云云周成王封泰山禪社首

山名



在博縣或云在鉅平南十三里皆受命然後得封禪桓公曰寡人北伐

山戎過孤竹西伐大夏涉流沙東馬懸車上卑耳之山

將上山纏束其馬懸鉤其車也卑耳卽齊語所謂辟耳南伐至名陵登熊耳山以

望江漢兵車之會三而乘車之會六九合諸侯一匡天

下諸侯莫違我昔三代受命亦何以異乎於是管仲睹

桓公不可窮以辭因設之以事曰古之封禪鄒上之黍

北里之禾鄒上山也鄒音臙鄒上北里皆地名所以爲盛江淮之間一茅

三脊所謂靈茅所以爲藉也東海致比目之魚各有一目不比不行其名

曰西海致比翼之鳥各有一翼不比不飛其名曰鵲鵲然後物有不召

而自至者十有五焉今鳳凰麒麟不來嘉穀不生而蓬蒿藜莠茂鴟梟數至而欲封禪毋乃不可乎於是桓公乃止

小問第五十一

雜篇二

桓公問管子曰治而不亂明而不蔽若何管子對曰明分任職則治而不亂明而不蔽矣公曰請問富國奈何管子對曰力地而動於時則國必富矣

謂勤力於地利其所動作必合

於天時公又問曰吾欲行廣仁大義以利天下奚爲而可

管子對曰誅暴禁非

此大義也

存亡繼絕而赦無罪

此廣仁也

仁廣而義大矣公曰吾聞之也夫誅暴禁非而赦無罪

者必有戰勝之器攻取之數而後能誅暴禁非而赦無

罪公曰請問戰勝之器管子對曰選天下之豪傑致天

下之精材來天下之良工則有戰勝之器矣公曰攻取

之數何如管子對曰毀其備散其積奪之食則無固城

矣

毀備奪食則無以守故其城不固此謂攻也

公曰然則取之若何

謂取其土管

子對曰假而禮之

借之思 假謂假

厚而勿欺

厚謂重 之以德

則天下之

士至矣公曰致天下之精材若何

精材謂美材可爲軍之器用也

管子

對曰五而六之九而十之不可爲數

欲致精材者必當貴其價故他處直

五我酬之六他處直九我酬之十常令貴其一分不可爲定數如此則天下精材可致也

公曰來工

若何管子對曰三倍不遠千里

酬工匠之庸直常三倍他處則工人不以千里

爲遠皆至矣

桓公曰吾已知戰勝之器攻取之數矣請問行

軍襲邑舉錯而知先後不失地利若何管子對曰用貨

察圖

用貨爲反間則知其先後察彼國圖則不失地利也

公曰野戰必勝若何管

子對曰以奇

奇謂權譎以勝敵也

公曰吾欲徧知天下若何管子

對曰小以吾不識則天下不足識也

若能博聞多見齊其所不識則知天

下通矣吾之所識天下亦無人能識之也

公曰守戰遠見有患

爲國者必入守出戰今吾

於此二者預見其患矣

夫民不必死則不可與出乎守戰之難

守戰

之難必致死然後可出也

不必信則不可恃而外知

人必誠信然後爲君視聽故知

外事也

夫恃不死之民而求以守戰恃不信之人而求以

外知此兵之三閤也

苟不死不信則守閤戰閤外閤故曰三閤

使民必死必

信若何管子對曰明三本公曰何謂三本管子對曰三

本者一曰固二曰尊三曰質公曰何謂也管子對曰故

國父母墳墓之所在固也

人既戀本而哀墳墓則其心固

田宅爵祿尊

也妻子質也三者備然後大其威厲其意則民必死而

不我欺也

不我欺則信也

桓公問治民於管子管子對曰凡牧

民者必知其疾

疾謂患苦也

而憂之以德勿懼以罪勿止以

力煩力役則止而不來

慎此四者足以治民也桓公曰寡人睹其

善也何爲其寡也

謂四言雖善然以之理國恐其太少

管仲對曰夫寡非

有國者之患也

患在不能行不在寡少也

昔者天子中立地方千里

四言者諛焉何爲其寡也

諛備也謂四言足以夫牧民備千里之化不爲少

不知其疾則民疾

疾謂憎嫌之也

不憂以德則民多怨懼之以

罪則民多詐

設詐以避罪也

止之以力則往者不反

創其力來役之苦

者鷙距

鷙疑也距止也間其役煩則疑而止也

故聖王之牧民也不在其

多也桓公曰善勿已如是又何以行之

其事既善雖然不但如是而已

更有何事以行此四言也

管仲對曰質信極忠

質主也謂主能得信又極忠也

有禮慎此四者所以行之也桓公曰請聞其說管仲對

曰信也者民信之忠也者民懷之嚴也者民畏之禮也

者民美之語曰澤命不渝信也

謂恩澤之命不有渝變如此者信也非其

所欲勿施於人仁也

仁者忠於人也

堅中外正嚴也質信以讓

禮也

主行於信又能讓如此者禮也

桓公曰善哉牧民何先管子對

曰有時先事有時先政有時先德有時先恕飄風暴雨

不爲人害涸旱不爲民患百川道

百川之流皆從故道

年穀熟糴

貸賤禽獸與人聚食民食

年穀熟則禽獸食人之食

民不疾疫當此

時也民富且驕牧民者厚收善歲以充倉廩

善歲謂有年

禁

數澤此謂先之以事隨之以刑敬之以禮樂以振其淫



振正也禮樂者所以止人淫放此謂先之以政飄風暴雨為民害涸

旱為民患年穀不熟歲饑糴貸貴民疾疫當此時也民貧且罷牧民者發倉廩山林藪澤以共其財後之以事

先之以恕以振其罷此謂先之以德其收之也不奪民

財謂善歲也其施之也不失有德謂凶年也富上而足下此聖王

之至事也桓公曰善

桓公問管仲曰寡人欲霸以二三子之功既得霸矣今

吾有欲王其可乎管仲對曰公當召叔牙而問焉管仲知桓

公不可王難以實鮑叔至公又問焉鮑叔對曰公當召  
對故推令問叔牙

賓胥無而問焉賓胥無趨而進公又問焉賓胥無對曰

古之王者其君豐其臣教君豐臣教則君能今君之臣

豐言德豐於君也公遵遁繆然遠二三子遂徐行而進言公之所遵行

者皆流遁繆妄之事無所比可謂遠於二三子但當塗而漸以取進耳欲王天下恐未可

太王賢王季賢文王賢武王賢武王伐殷克之七年而

崩周公旦輔成王而治天下僅能制於四海之內矣今

寡人之子不若寡人寡人不若二三子以此觀之則吾

不王必矣

桓公曰我欲勝民

言欲勝服於民

爲之奈何管仲對曰此非人

君之言也

人君之言當仁以化之不可直用刑勝也

勝民爲易夫勝民之爲

道非天下之大道也君欲勝民則使有司疏獄而謁有

罪者償

謂疏錄獄囚謁告有罪者則償之也

數省而嚴誅

數省有過嚴其誅罪

若此

則民勝矣雖然勝民之爲道非天下之大道也使民畏

公而不見親

嚴刑故也

禍亟及於身

二世嚴刑身戮望夷

雖能不久

雖能

勝人不則人持莫之弑也危哉

持謂見劫也弑謂弑親也

君之國

岷乎

桓公觀於廐問廐吏曰廐何事最難廐吏未對管仲對

曰夷吾嘗爲圉人矣

圉養馬者

傳馬棧最難

謂編次之棧馬所立木也

先

傳曲木曲木又求曲木

編棧者先附曲木其類次還須曲木求其類

曲木已傳

直木無所施矣

既用曲木又施直木則失其類而棧敗矣喻小人用則君子退也

先傳

直木直木又求直木直木已傳曲木亦無所施矣

喻君子用

則小人退

桓公謂管仲曰吾欲伐大國之不服者奈何管仲對曰

先愛四封之內然後可以惡竟外之不善者

四封之內見愛則人

致死可以惡竟外之不善者

先定卿大夫之家然後可以危鄰之敵

國卿大夫之家既定則是故先王必有置也然後有廢

也已國有置然後廢他國也必有利也然後有害也

能利已國然後可以害他國也

桓公踐位令釁社塞禱

殺生以血澆落於社曰釁社

祝鳧已疵獻胙

祝祝史鳧疵其名也胙祭肉也祝曰除君苛疾

祝今除君煩苛之疾與若之多虛

而少實

若似也謂君之材能多似有而非實如此者亦祝去之也

桓公不說瞑目而

視祝鳧已疵祝鳧已疵授酒而祭之曰又與君之若賢

謂君似賢桓公怒將誅之而未也以復管仲復猶告也管仲亦當去之

於是知桓公之可以霸也

祝史誣君之惡君怒而將誅之是心務善也故知可與霸也

桓公乘馬虎望見之而伏桓公問管仲曰今者寡人乘馬虎望見寡人而不敢行其故何也管仲對曰意者君

乘駿馬而淠桓迎日而馳乎

淠古盤字

公曰然管仲對曰此

駮象也駮食虎豹故虎疑焉

楚伐莒莒君使人求救於齊桓公將救之管仲曰君勿救也公曰其故何也管仲對曰臣與其使者言三辱其

君顏色不變

辱其君而色不變則無羞耻也

臣使官無滿其禮三

三加其禮

皆不滿足

強其使者爭之以死

不識不滿之意纔激強

莒君

小人也君勿救

其使不賢故知其君小人也

桓公果不救而莒亡

桓公放春三月觀於野

春物放發故曰放春

桓公曰何物可比於

君子之德乎隰朋對曰夫粟內甲以處中有卷城外有

兵刃

種粟者甲在內而處葉居外而未敢自恃自命曰卷若城苗之纖芒在外有兵刃

粟

粟之物用雖如此然不敢自恃故自名曰粟粟則謹促之名也

此其可比於君子之

德乎管仲曰苗始其少也眴眴

胡絹切目搖也

乎其孺子也

眴眴柔順貌穀苗始至其壯也莊莊乎其士也壯謂苗轉

長大莊莊至其成也由由乎茲勉何其君子也由由倪也實貌

茲勉謂益天下得之則安人以為穀不得則危故命之曰

禾以其和調人之性命此其可比於君子之德矣桓公曰善

桓公二十年北伐孤竹未至卑耳之谿十里闐然止瞠然視

闐住立貌援弓將射引而未敢發也謂左右曰見是前人

乎左右對曰不見也公曰事其不濟乎寡人大惑今者

寡人見人長尺而人物具焉冠右袂衣走馬前疾事其



不濟乎寡人大惑豈有人若此者乎管仲對曰臣聞登山之神有俞兒者長尺而人物具焉霸王之君興而登山神見且走馬前疾道也祛衣示前有水也右祛衣示從右方涉也至卑耳之谿有贊水者

謂贊引渡水者

曰從左方

涉其深及冠從右方涉其深至膝若右涉其大濟桓公

立拜管仲於馬前曰仲父之聖至若此寡人之抵罪也

久矣

抵當也 不知仲父之聖是寡人當有罪久矣

管仲對曰夷吾聞之聖人

先知無形今已有形而後知之臣非聖也善承教也

善承

古人  
之法

桓公使管仲求甯戚甯戚應之曰浩浩乎管仲不知至  
中食而慮之婢子曰公何慮管仲曰非婢子之所知也

婢子曰公其母少少母賤賤昔者吳干戰干江邊地也未齒

不得入軍門齒毀齒也國子擿其齒遂入爲干國多戰功曰多言於

干戰國子功多也百里奚秦國之飯牛者也穆公舉而相之遂

霸諸侯由是觀之賤豈可賤少豈可少哉管仲曰然公  
使我求甯戚甯戚應我曰浩浩乎吾不識婢子曰詩有

之浩浩者水育育者魚

水浩浩然盛大魚育育然相與而遊其中喻時人皆得配偶以

居其室家寧戚有仇儷之思故陳此詩以見意

未有室家而安名我居

言誰當召我授

之配匹與之爲居乎也

寧子其欲室乎

桓公與管仲闔門而謀伐莒未發也而已聞於國矣桓

公怒謂管仲曰寡人與仲父闔門而謀伐莒未發也而

已聞於國其故何也管仲曰國必有聖人桓公曰然夫

日之役者有執席食以視上者必彼是邪

桓公與管仲謀時役人於

前乃有執席而食私目上視所以察君也必是人者知吾謀也

於是乃令之復役毋復

相代

時執席而食者代人入役因得察君今不令相代彼亦知君覺已必當來也

少焉東郭

郵至桓公令儋者延而上

儋謂贊引賓客者也

與之分級而上以

客禮待之故與之分級而上謂使之就賓階也

問焉曰子言伐莒者乎東郭郵

曰然臣也桓公曰寡人不言伐莒而子言伐莒其故何

也東郭郵對曰臣聞之君子善謀而小人善意

善以意度之也

臣意之也桓公曰子奚以意之東郭郵曰夫欣然喜

樂者鐘鼓之色也夫淵然清靜者纁經之色也謬然豐

滿心在兵武形氣盛故其貌豐滿

而手足拇動者

中勇外形必應故手足拇動也

兵甲

之色也日者臣視二君之在臺上也口開而不闔是言

莒也

莒字兩口故二君開口相對即知其言莒

舉手而指勢當莒也且臣觀

小國諸侯之不服者唯莒於是

唯莒不服於是知之

臣故曰伐莒

桓公曰善哉以微射明此之謂乎

言以形色之微知伐國之明也

子其

坐寡人與子同之

同伐莒之謀也

客或欲見於齊桓公請仕上官授祿千鍾公以告管仲

曰君子之客聞之曰臣不仕矣公曰何故對曰臣聞取

人以人者

以人之言然後取人

其去人也亦用人吾不仕矣



管子卷十六

欽定四庫全書薈要卷一萬三百六十九

子部

管子卷十七

唐 房玄齡 註

七臣七主第五十二

雜篇三

或以平虛請論七主之過

謂平意虛心也七主據下唯  
有六者皆過主能無此六者

過則爲一是主也過主  
六主一故曰七主也得六過一是以還自鏡以知得

失得六過則爲一是以繩七臣得六過一是嗚呼美

自鑒得失可知也

哉成事疾

疾美也繩謂彈正也言以六過繩七臣令臣  
無六過是故爲一君臣咸有一德故能成美



也申主任勢守數以爲常

申謂陳用法令

周聽近遠以續明

近遠

之事周而聽之則其明不絕

皆要審則法令固賞罰必則下服度

皆事

得要而詳審則法令固賞罰必而下皆服其法度也

不備待而得和則民反素也

謂以道德理世之君至仁感物德和自此而至

惠主豐

故人皆反於朴素今中主不能然故以爲過也

賞厚賜以竭藏赦姦縱過以傷法藏竭則主權衰法傷

則姦門閭故曰泰則反敗矣

謂爲惠太過反成敗也侵主好惡反

法以自傷

越法行事謂之侵所好

喜決難知以塞明

決難

知則理不當故明塞也

從狙而好小察

狙伺也謂既任臣有

事無

常而法令申不辭則國失勢

辭古伍字謂偶合也言雖申布法令於事不合法既

不行所以失勢也

芒主目伸五色耳常五聲

芒謂芒然不曉識之貌伸謂放恣也

四鄰不計

四鄰與已爲隙不計度而知之也

司聲不聽

司聲之官隨君所好不爲聽其

理亂之音也

則臣下恣行而國權大傾不辭則所惡及身

爲所

既不合理故惡還及身

勞主不明分職上下相干

言失任臣之理勞而無功故曰

勞臣主同則刑振以豐豐振以刻

臣主同勢則俱奮威權故刑罰大振而且

豐多刑豐而又妄振非刺而何也

去之而亂臨之而殆則後世何得

臣權

振主君欲去之必爲亂任而臨之必危殆既亂且危敗亡必及故後代無得也振主喜怒無度

嚴誅無赦

動發威嚴謂之振也

臣下振怒不知所錯則人反其故

故爲先君之理

不辭則法數日衰而國失固

舉措既不合理故數衰而國失固

芒主通人情以質疑故臣下無信盡自治其事則事多

既不自曉故下通人情以問所疑則臣下無所取信皆自任宵臆以理其事人生事故事多也

多則

昏昏則緩急俱植

植立也既昏而不明故緩急之事俱可立

不辭則見所不

善

所爲既不合理故其所見之事皆不善

餘力自失而罰

尚有執權餘力已不自責乃遷

怒而罰之

故主虞而安

虞度也主能度宜而行故安但主能度而安則致下數事

吏肅而

嚴民樸而親官無邪吏朝無姦臣下無侵爭世無刑民

凡此皆主虞而安故也

故一人之治亂在其心

在其心之邪正

一國之存

亡在其主

在其主之智愚

天下得失道一人出

道從也一人爲主也明主得闇

主失主好本則民好墾草萊

本謂農桑也

主好貨則人賈市主

好宮室則工匠巧主好文采則女工靡夫楚王好小賁

而美人省食吳王好劍而國士輕死死與不食者天下

之所共惡也然而爲之者何也從主之所欲也而况愉

樂音聲之化乎夫男不田女不緇

緇謂黑緇

工技力於無用

謂勤力於無用之器物也而欲土地之毛

毛謂嘉苗

倉庫滿實不可得也

土地不毛則人不足人不足則逆氣生

不足則怨怒故逆上之氣生

逆氣生則令不行然彊敵發而起雖善者不能存

謂善爲計

謀何以効其然也曰昔者桀紂是也誅賢忠近讒賊之

士而貴婦人好殺而不勇好富而忘貧馳獵無窮鼓樂

無厭瑤臺玉舖不足處

玉舖猶玉食

馳車千駟不足乘材女

樂三千人

謂有材能之女樂也

鍾石絲竹之音不絕百姓罷乏君

子無死

言不爲君致死

卒莫有人人有反心遇周武王遂爲周

氏之禽

爲周所禽獲也

此營於物而失其情者也

物謂臺榭車以所爲侈靡

者愉於淫樂而忘後患者也故設用無度國家踣

踣謂散亡

舉事不時必受其蓄夫倉庫非虛空也

必侈費無度故空

商宦

非虛壞也

必棄本逐末故壞也

法令非虛亂也

必上替下陵故亂

國家非

虛亡也

必倒道背理故亡也

彼時有春秋歲有敗凶政有急緩政

有急緩故物有輕重

政急物輕政緩物重

歲有敗凶故民有義不

足

歲既敗凶雖有義事不足以行其禮

時有春秋故穀有賈賤

春秋穀賤而

上不調淫故游商得以什伯其本也

淫過也謂穀物過於賤則上當收

散以調之此之不爲故游商得什伯之贏以棄其本也

百姓之不田貧富之不訾

皆用此作

警限也皆從不調淫而作也

城郭不守兵士不用皆道此

始道從夫亡國踣家者非無壤土也其所事者非其功也

夫凶歲雷旱非無雨露也其燥濕非其時也亂世煩政

非無法令也其所誅賞者非其人也暴主迷君非無心

腹也其所取舍非其術也故明主有六務四禁六務者

何也一曰節用二曰賢佐三曰法度四曰必誅五曰天

時六曰地宜四禁者何也春無殺伐無割大陵

割謂掘徙之也

裸大衍

保謂焚燒令蕩然俱盡

伐大木斬大山行大火誅大臣收

穀賦凡此春之禁也夏無遏水達名川謂偃塞小水合大水塞大谷動土

功射鳥獸凡此夏之禁秋毋赦過釋罪緩刑冬無賦爵賞祿

傷伐五穀五穀之藏故春政不禁則百長不生夏政不禁則

五穀不成秋政不禁則姦邪不勝冬政不禁則地氣不

藏四者俱犯則陰陽不和風雨不時大水漂州流邑漂流

謂滿溢於隄防故漂流域邑大風漂屋折樹火暴焚地焦草旱甚則草焦

天冬雷地冬霆霆震草木夏落而秋榮蟄蟲不藏宜死者

生宜蟄者鳴苴多騰墓苴謂草之弱薈山多蟲蠹蠹即蚤六畜不



蕃民多天死國貧法亂逆氣下生故曰臺榭相望者亡

國之廡也馳車充國者追寇之馬也

追猶召也言馳車所以召寇

羽

劒珠飾者斬生之斧也文采纂組者燔功之窰也明王

知其然故遠而不近也能去此取彼則人主道備矣

此謂

珠飾等物彼謂節用愛民夫法者所以興功懼暴也律者所以定分

止爭也令者所以令人知事也法律政令者吏民規矩

繩墨也夫矩不正不可以求方繩不信

音申

不可以求直

法令者君臣之所共立也權勢者人主之所獨守也故

人主失守則危臣吏失守則亂罪決於吏則治

有罪者吏必能

決決之  
故理

權斷於主則威民信其法則親是故明王審法

慎權下上有分

下慎罰上執權  
各有其分也

夫凡私之所起必生於

主主不好本  
則私生

夫上好本則端正之士在前

本謂道  
德之政

上好

利則毀譽之士在側

好利則傾巧故  
毀譽之士在側

上多喜善賞不隨

其功則士不爲用

雖曰好善及其有  
不能賞故曰士不爲用

數出重法而

不克其罪則姦不爲止

克謂  
勝伏

明王知其然故見必然之

政立必勝之罰故民知所必就而知所必去推則往召

則來如墜重於高如瀆水於地

以譬招來之易也

故法不煩而

吏不勞民無犯禁故有百姓無怨於上上亦法臣法

言亦

爲臣斷名決無誹譽

依名而斷決則理當而事愜故無誹譽

故君法則主

位安臣法則貨賂止而民無姦嗚呼美哉名斷言澤

依名

而斷則其飾臣克親賢以爲名

虛名求實之飾克勝也謂不求親賢以自克勝

特此恬爵祿以爲高

伴棄爵祿以自安恬以此爲高

好名則無實

美名外揚

內實爲高則不御

恬爵祿者君不能御也

故記曰無實則無勢

勢必

以實生失轡則馬焉制

制馬必以轡制臣必以祿

侵臣事小察以折法

令枉法行事好倭反而行私請倭謂很詐也故私道行

則法度侵不侵法度則無以成其私刑法繁則姦不禁主嚴誅則失

民心亂臣多造鐘鼓衆飾婦女以惛上故上惛則隙不

計而司聲直祿上既惛暗雖有危亡之隙不能計度而知之其司聲之官直得祿而已不憂其

職務也是以諂臣賈而法臣賤此之謂微孤諂賈法賤則危亡日至故

其君哀微而孤獨愚臣深罪厚罰以爲行深文入罪厚致其重罰此愚臣之行

賦歛多允道以爲上允悅也謂多賦使身見憎而主受

其謗厚罰多歛人必憎之故記稱之曰愚忠讒賊此之謂也愚臣雖有

損於主乃比之讒賊姦臣痛言人情以驚主痛甚極開罪黨以爲

讎開引罪黨上聞除讎則罪不辜彼但讎耳未必皆有罪今而除之則罪不

辜之罪不辜則與讎居既殺不辜則人皆讎已故善言人也

可惡以自信而主失親好言可惡之事以告於君此求君之信已也君果信之則失其

所親也亂臣自爲辭功祿明爲下請厚賞已有功當得祿則佯辭之以爲

名其下未必當賞則明居爲非母動爲善棟其居也與衆非者爲

母其動也與佯爲以非買名以是傷上其所以買名者善者爲棟梁也

之必傷而衆人不知之謂微攻言爲僞善漸攻於君

# 禁藏第五十三

雜篇四

禁藏於胷脅之內而禍避於萬里之外能以此制彼者

唯能以已知人者也

言度已以察彼則無隱情故姦謀藏於胷脅姦藏禍息故遠避於萬

里之外彼不能興姦生禍則我能制之凡此皆以已知人故也

夫冬日之不濫非愛冰

也濫謂泛水於水以求寒所謂濫漿

夏日之不煬非愛火也爲不適於

身便於體也

冬之冰夏之火皆於身體不適便

夫明王不美宮室非喜

小也不聽鐘鼓非惡樂也爲其傷於本事而妨於教也

美宮室聽鐘鼓則傷事而妨教

故先慎於已而後彼官亦慎內而後外

內則本務外則末業君慎之則臣効

民亦務本而去末

官慎之則主効也

居民於

其所樂

居其所樂則教土而不遷

事之於其所利

事其所利則不勸而自勵賞之

於其所善

賞其所善則皆悅而立功

罰之於其所惡

罰其所惡則忌慎而無犯信

之於其所餘財

君人者莫不有餘財期賞而必故曰信

功之於其所無誅

必勝殘息誅然後可以爲成功

於下無誅者必誅者也

有罪必誅故能息所謂以刑止

刑以殺止殺也

有誅者不必誅者也

有罪不必誅故誅不息也

以有刑至無

刑者其法易而民全

刑茲無赦人不敢犯故曰以有刑至無刑若此者其法簡易而民完

全以無刑至有刑者其刑煩而姦多

緩誅宥死人則輕而犯之故曰無刑

至有刑若此者其夫先易者後難無刑至有刑故先難

刑繁漫而姦人多日先難而後易萬物盡然皆同之法明主知其然

而後易有刑至無刑故故必誅而不赦必賞而不遷者非喜予而樂其殺也所

以爲人致利除害也賞不遷非喜與誅不赦非樂殺然必其誅賞則爲人致利除害故也

於以養老長弱完活萬民莫明焉言養老活人無明於必誅賞夫不

法法則治言不法者必以法正之故治法者天下之儀也儀謂所以表也

決疑而明是非也百姓所縣命也刑罰一差人無所措手足故曰縣命故

明王慎之不爲親戚故賈易其法故謂恩舊吏不敢以長官



威嚴危其命危謂毀敗民不以珠玉重寶犯其禁

所謂君無欲焉雖賞

之不竊故主上視法嚴於親戚不爲親戚易法故法嚴

吏之舉令敬

於師長

不爲師長危令故令敬也

民之承教重於神寶

不爲重寶犯禁故教重夫

實有靈故曰神寶

故法立而不用刑設而不行也

無犯之人則無所用其刑

法夫施功而不鈞位雖高爲用者少

施功謂施恩於有功者施恩不鈞則

有功者怨故雖有高位人不爲用

赦罪而不一德雖厚不譽者多

赦罪不一

則毒流不辜雖有厚德人誰譽之

舉事而不時力雖盡其功不成

方冬植禾

雖勤似后稷不能成其嘉苗

刑賞不當斷斬雖多其暴不禁夫公之

所加罪雖重下無怨氣私之所加賞雖多士不爲歡行

法不道衆民不能順

有道之人必順於道

舉錯不當衆民不能成

衆尚不成況無衆乎

不攻不備

夫設備者必防攻也

當今爲愚人故聖人之

制事也能節宮室適車輿以實藏

不費於宮室車輿則庫藏自實也

則

國必富位必尊能適衣服去玩好以奉本

本謂農桑

而用必

瞻身必安矣能移無益之事無補之費通幣行禮而黨

必多交必親矣

移無益無補之費而行禮故黨多交親也

夫衆人者多營於

物而苦其力勞其心故困而不瞻

營物過分故勞而不瞻

大者以

失其國小者以危其身凡人之情得所欲則樂逢所惡

則憂此賢賤之所同有也近之不能勿欲謂所好遠之

不能勿忘人情皆然而好惡不同各行所欲各以所而

安危異焉適理而欲則安背理而欲則危然後賢不肖之形見也夫物

有多寡而情不能等賢者欲寡不肖者欲多也事有成敗而意不能

同賢者意多成不肖者意多敗也行有進退而力不能兩也賢者能進不肖者唯

退故立身於中謂多寡成敗進退之中也養有節宮室足以避燥濕

食飲足以和血氣衣服足以適寒溫禮儀足以別賢賤

游虞足以發歡欣棺槨足以朽骨衣衾足以朽肉墳墓

足以道記

道識其處各有記也

不作無補之功

雖曰有功於身無補

不爲無

益之事故意定而不營氣情氣情不營則耳目穀

穀善也謂

聰明不虧

衣食足耳目穀衣食足則侵爭不生怨怒無有上

下相親兵刃不用矣故適身行義儉約恭敬其唯無福

禍亦不來矣

禍福兩無乃善之至

驕傲侈泰離度絕理其唯無禍

福亦不至矣

禍福兩有乃禍之至

是故君子上觀絕理者以自恐

也觀絕理者下觀不及者以自隱也

隱度也度已有不

致禍故恐

故曰譽不虛出

必出於行善

而患不獨生

必生於爲惡

福不擇家

雖賤家行善福亦來矣

禍不索人

雖賢人行惡禍亦至矣

此之謂也

凡此欲令脩已

以致福無恃賢以招禍

能以所聞瞻察則事必明矣

謂耳所聞目所瞻皆能審

察其是非如此則無事不明矣

故凡治亂之情皆道上始

道從也事明則埋反是則

亂故善者圉之以害牽之以利

有害則圍有利則牽

能以利害者財

多而過寡矣

利害由已則避害而取利取利則財多避害故過寡矣

夫凡人之情

見利莫能勿就見害莫能勿避其商人通賈倍道兼行

夜以續日千里而不遠者利在前也

疾至則得利故漁速行而不倦也

人之入海海深萬仞就彼逆流

謂海潮起則水逆流

乘危百里宿

夜不出者利在水也故利之所在雖千仞之山無所不

上深源之下無所不入焉故善者勢利之在而民自美

安

勢利在身則人美而安之

不推而往不引而來不煩不擾而民自

富

凡此皆勢利之所致

如鳥之覆卵無形無聲而唯見其成

夫勢利致

人若鳥之覆卵雖無形無聲俄見其成也

夫爲國之本得天之時而爲經

經所

以本得人心而爲紀

紀所以總之也

法令爲維綱

維綱所以張也

吏

爲綱罟

綱罟所以苞之

什伍以爲行列

行列所以開具之也

賞誅爲文武

賞則文繕農具當器械農具既繕則器械可脩也耕農當攻戰耕農之

急若攻戰推引鉞耨以當劒戟用鉞耨者必推引之若劒戟擊刺被蓑

以當鎧襦蓑雨衣被著之所以禦雨露若武備之有鎧襦著甲周身若褐灸故曰襦蒞笠以

當盾櫓取蒞澤草以爲笠若武備之有盾櫓也故耕器具則戰器備具耕器則

備戰用也農事習則功戰巧矣習農則當功戰當春三月蒞室爇造

爇謂以火乾也三月之時陽氣盛發易生溫疫楸木鬱臭以辟毒氣故燒之於新造之室以禳祓也鑽燧

易火杼井易水所以去茲毒也四時易火至春則取榆柳之火春時之井又當

復杼之以易其水凡舉春祭塞久禱以魚爲牲以蘘爲此皆去時滋長之毒

酒相名

久禱而未報者當享塞之相名謂因此時名親賓

所以屬親戚也母殺

畜生母拊卵

拊謂擊剝之也

母伐木母天英

英謂草木之初生也

母拊竿

竿竿之初生也

所以息百長也

所以生息百物之長

賜鰥寡振孤獨貸無

種與無賦所以勸弱民

謂勸勉貧弱之人也

發五正

正謂五官正也

赦薄

罪出拘民解仇讎

仇讎者令反去

所以建時功施生穀也

謂及

時立農功施力爲生穀凡此皆春令

夏賞五德

五德謂五常之德

滿爵祿遷官位

禮孝弟復賢力所以勸功也

賢而有功賞復除之此皆夏令

秋行五刑

誅大罪所以禁淫邪止盜賊

凡此皆秋令

冬收五藏

五藏最之藏



萬物聚所以內作民也

凡此皆冬作

四時事備而民功百倍

矣於四時事皆備故人有百倍之功

故春仁夏忠秋急冬閉

生者仁也長者忠也

收當急也藏當閉也

順天之時約地之宜忠人之和

忠猶稱也事稱人理則和

故風雨時五穀實草木美多六畜蕃息國富兵彊民材

而令行

人多材藝而順上命故今行也

內無煩擾之政外無彊敵之患

也夫動靜順然後和也不失其時然後富不失其法然

後治故國不虛富

必不失財然後富也

民不虛治

必不失法然後治

不治

而昌不亂而亡者自古至今未嘗有也

昌必國理亡必國亂反是者古

今所未有故國多私勇者其兵弱私勇則怯於公戰故弱吏多私智者

其法亂私智則營已而背公故多亂民多私利者其國貧私則利積於家故國

貧故德莫若博厚使民死之博厚則感人深故死之也賞罰莫若必

成使民信之夫善牧民者非以城郭也輔之以什司之

以伍謂什長伍長伍無非其人雖伍長亦選人能者爲之也人無非其里謂

客里無非其家言不離居他人家故奔亡者無所匿遷徙者無

所容有什伍司之不容他寄也不求而約不召而來亡徙無所容匿故不求召而自

來故民無流亡之意吏無備追之憂人說不亡何故主所備而追之

政可往於民民心可繫於主

謂繫屬於主

夫法之制民也猶

陶之於埴治之於金也

人之從法若埴金之從陶冶也

故審利害之所

在民之去就如火之於燥濕水之於高下

火水之就燥下猶人之就

利夫民之所生衣與食也食之所生水與土也所以富

民有要食民有率率三十畝而足於卒歲無美惡畝

取一石則人有三十石果蔬素食當十石

果蔬不以火化而食故曰

素糠粃六畜當十石則人有五十石布帛麻絲旁入奇

利未在其中也

奇餘言不在五十石之中也

故國有餘藏民有餘食

每年人有五十夫叙鈞者所以多寡也叙鈞謂叙權衡

者所以視重輕也戶籍田結者所以知貧富之不訾也

謂每戶置籍每田結其多少故善者必先知其田乃知則貧富不依訾限者可知也

其人田多則人多田少則人少田備然後民可足也凡有天下者以

情伐者帝謂深知敵之內情而伐者帝也以事伐者王見於其事有以失而伐者王

政伐者霸見其政有失而伐者霸而謀有功者五謂計謀可一曰

視其所愛以分其威令敵國之所愛者各權則其威分也一人兩心其內

必哀也威分則每人各懷二心心二則力不齊故內衰也臣不用其國可危臣既

不爲君用力二曰視其陰所憎厚其貨賂得情可深視敵

所憎者多與賂令以國身內情外其國可知謂所憎者情告已故深得其情

情乃告外其三曰聽其淫樂以廣其心使之聽淫樂遷國可知也

以竽瑟美人以塞其內耽於竽瑟美女則心感亂故其內閉塞也遷以諂臣

文馬以蔽其外耳惑於諂臣目惑於文馬外內蔽塞可則耳目喪矣故其外蔽也

以成敗內外蔽塞則理擁四曰必深親之如典之同生而見惑故莫不敗

典常也若常陰內辯士使圖其計私俠辯士令內勇士與敵國圖計

使高其氣彼得勇士則內人他國使倍其約絕其使拂恃而氣高也

其意

更納人於他國令背絕使兩國之意相違也

是必士鬪兩國相敵必承

其弊

亦既相疑其士必鬪兩國敵則小傷大國以承其弊乃有一舉兩獲之功也

五曰深察

其謀

欲知其謀得失也

謹其忠臣

欲知其臣之用不

揆其所使

欲知其所以使賢

不令內不信使有離意

內既不信相疑則使其君臣之意絕

離氣不能令

必內自賊

君臣意離別不可使令既不命則自相殘殺

忠臣已死故政可奪

人之云亡邦國殄

此五者謀功之道也

牽故其政可奪

管子卷十七

謹案卷十六第九頁後三行懸鉤其車也刊本鉤  
訛鈞據史記集解改


第十四頁前一行故推令問叔牙刊本叔牙訛易  
牙據上下文改

第十七頁前五行桓公二十年刊本無二十年三  
字據水經濡水注所引增



欽定四庫全書





總校官庶吉士臣侍朝

校對官檢討臣王鍾健

謄錄監生臣曹錫璜

欽定四庫全書薈要

子部

管子卷

十八至  
二十

詳校官主事<sub>臣</sub>陳本



欽定四庫全書薈要卷一萬三百七十子部

管子卷十八

唐房玄齡註

入國第五十四

謂始有國入而化

雜篇五

入國四旬五行九惠之教

旬即巡也謂四面五方行而施九惠之教一曰老

老二曰慈幼三曰恤孤四曰養疾五曰合獨六曰問疾

七曰通窮八曰振困九曰接絕所謂老老者凡國都皆

有掌老

謂置掌老之官

年七十已上一子無征

不預國之征役

三月有

饋肉謂官饋之肉

八十已上二子無征月有饋肉九十已上

盡家無征日有酒肉死上共棺槨勸子弟精膳食問所

欲求所嗜

問老者何所欲求訪其所以嗜欲而供也

此之謂老老所謂慈幼

者凡國都皆有掌幼士民有子子有幼弱不勝養爲累

者

勝堪也謂不堪自養故爲累

有三幼者無婦征四幼者盡家無征

五幼又予之葆

葆今之教母

受二人之食

官給二人之食

能事而後

止

幼者漸長能自管事然後止其養

此之謂慈幼所謂恤孤者凡國都

皆有掌孤士人死子孤幼無父母所養

既無父母又無所養之親也

不能自生者屬之其鄉黨知識故人養一孤者一子無

征養二孤者二子無征養三孤者盡家無征掌孤數行

問之必知其食飲飢寒身之臍胫而哀憐之

臍瘦也此  
胫肥也

之謂恤孤所謂養疾者凡國都皆有掌養疾聾盲喑啞

跛躄偏枯握遞

遞著也謂兩手相拱著而不申者謂之握遞

不耐自生者上

收而養之疾

既養之又與療疾

官而衣食之

謂官給之衣食

殊身而後

止

殊猶離也疾離此之謂養疾

所謂合獨者凡國都皆

有掌媒丈夫無妻曰鰥婦人無夫曰寡取鰥寡而合和

之予田宅而家室之三年然後事之

事謂供國之職役也

此之謂

合獨所謂問疾者凡國都皆有掌病士人有病者掌病

以上令問之九十以上日一問八十以上二日一問七

十以上三日一問衆庶五日一問疾甚者以告上身問

之掌病行於國中以問病爲事此之謂問病所謂通窮

者凡國都皆有通窮若有窮夫婦無居處窮賓客絕糧

食居其鄉黨以聞者有賞不以聞者有罰此之謂通窮

所謂振困者歲凶庸人訾厲

訾疾也厲病也

多死喪施刑罰赦

有罪散倉粟以食之此之謂振困所謂接絕者士民死  
上事死戰事使其知識故人受資於上資謂財用而祠之此  
之謂接絕也

九守第五十五

主位主問

主明主因

主聽主周

主賞主參

督名

雜篇六

安徐而靜

人居位當安徐而又靜默

柔節先定

以和柔爲節先能虛定已然後可定人

心平意以待須

虛其心平其意以待臣之諫說須亦待也

右主位

人主居位當如此



目資明耳資聰心資智以天下之目視則無不見也以天下之耳聽則無不聞也以天下之心慮則無不知也輻湊竝進則明不塞矣言聖人不自用其聰明思慮而任之天下故明者爲之視聰者爲之聽智者爲之謀輻湊竝進不亦宜乎故曰明不可塞

右主明

主明在於用天下耳目視聽之

聽之術曰勿望而距勿望而許聽言之術必須審察不可望風則有所距有所許許之則失守距之則閉塞既未審察輒有距而許之故或失守或閉塞高

山仰之不可極也深淵度之不可測也不審察者常爲彼所知故戒之

當如高山深淵神明之德正靜其極也既如山淵則其德配神明而正  
不可極而測之  
且靜如此者  
其有窮極矣

### 右主聽

用賞者賢誠用刑者賢必刑賞信必於耳目之所見則  
其所不見莫不闇化矣誠暢乎天地通於神明見姦僞  
也既暢天地通神明故有姦僞必能見之

### 右主賞

一曰天之二曰地之三曰人之

言三才之道幽邃深遠必問於賢者而後行之

四曰上下左右前後

凡此皆有逆順之宜故須問之

熒惑其處安在

又須

知法星所在也

### 右主問

心不爲九竅九竅治

心任九竅九竅自治

君不爲五官五官治

君任

五官故五官自治之

爲善者君子之賞爲非者君子之罰君因其

所以來因而予之則不勞矣

自來而又得賞何勞之有

聖人因之故

能掌之

掌主也因來而賞物皆屬已故能主之

因之脩理故能長久

### 右主因

人主不可不周

周謂謹密也

人主不周則羣臣下亂

不周則泄其機

事故臣下交爭而亂也

寂乎其無端也

慎密者當如是

外內不通安知所

怨外內不通則事不泄故無怨

關閉不開善否無原

既不開其關閉故善之與不善

不得知其原矣

### 右主周

一曰長目二曰飛耳三曰樹明明知千里之外隱微之

中曰動姦姦動則變更矣

姦在隱微其理將動姦既動矣自然變更

### 右主參

修名而督實按實而定名名實相生反相爲情名實當則治不當則亂名生於實實生於德德生於理理生於智智生於當

右督名

桓公問第五十六

雜篇七

齊桓公問管子曰吾念有而勿失得而勿忘爲之有道乎對曰勿創勿作時至而隨毋以私好惡害公正察民所惡以自爲戒

人有所惡已行之非

黃帝立明臺之議者上觀於

賢也堯有衢室之問者下聽於人也舜有告善之旌而

主不蔽也禹立諫鼓於朝而備訊唉

訊問也唉驚問也

湯有總

街之庭以觀人誹也武王有靈臺之復而賢者進也

復謂

也此古聖帝明王所以有而勿失得而勿忘者也桓公

曰吾欲效而爲之其名云何對曰名曰嘖室之議

謂議論者

言語謹嘖

曰法簡而易行刑審而不犯事約而易從求寡而

易足人有非上之所過謂之正士

見上有過而非之可謂正士

內於

嘖室之議

納正士之言著爲嘖室之議

有司執事者咸以厥事奉職

而不忘爲此噴室之事也請以東郭牙爲之此人能以正事爭於君前者也桓公曰善

度地第五十七

雜篇八

昔者桓公問管仲曰寡人請問度地形而爲國者其何如而可管仲對曰夷吾之所聞能爲霸王者蓋天子聖人也故聖人之處國者必於不傾之地言其處深厚岡原復壯者謂之而不擇地形之肥饒者鄉山左右經水若澤其國都或向山右及緣內爲落渠之寫因大川而注焉謂於都內更爲落水水澤然後建

之渠以注於大川乃以其天材地之所生利養其人以育六畜

天材謂五穀之屬因天時而植者也天下之人皆歸其德而惠其義惠乃順

別制斷之乃分別其地州者謂之術地數充爲州者謂之術不滿

術者謂之里不成術而餘者謂之里故百家爲里里十爲術術十

爲州州十爲都都十爲霸國不如霸國者國也不成於霸國者

諸侯之以奉天子霸國率諸侯以奉天子也天子有萬諸侯也其中

有公侯伯子男焉天子中而處此謂因天之固所處之地自然

不傾故歸地之利內爲之城城外爲之郭郭外爲之土



閭閻謂

地高則溝之下則隄之命之曰金城樹以荆棘

上相穡著者所以爲固也

穡鉤也謂荆棘刺條相鉤連也

歲修增而毋

已時修增而毋已福及孫子此謂人命萬世無窮之利

人君之葆守也

謹置國都繕修城郭此人君所保全而守

臣服之以盡忠於

君君體有之以臨天下故能爲天下之民先也此宰之

任則臣之義也

宰謂執君之政者也

故善爲國者必先除其五害

人乃終身無患害而孝慈焉桓公曰願聞五害之說管

仲對曰水一害也旱一害也風霧雹霜一害也厲一害

也蟲一害也

厲疾此謂五害五害之屬水最爲大五害

已除人乃可治桓公曰願聞水害管仲對曰水有大小

又有遠近水之出於山而流入於海者命曰經水

言爲衆水

之水別於他水

謂從他水分流入於大水及海者命曰

經水

枝水

言爲山之溝一有水一毋水者命曰谷水水之出

於他水溝流於大水及海者命曰川水出地而不流者

命曰淵水此五水者因其利而徃之可也

謂因地之勢疏引以溉灌

因而扼之可也

扼塞也恐其泛溢而塞之亦可也

而不久常有危殆矣

謂卒有暴溢或能漂沒居人故危殆也

桓公曰水可扼而使東西南北及

高乎管仲對曰可夫水之性以高走下則疾至於灋石

謂能漂而下向高即留而不行故高其上領瓴之尺有浮於石

十分之三里滿四十九者水可走也

上謂水從來處高之者欲注下取勢

也瓴謂瓴甃也言欲令水上高必大爲瓴甃私空其中使前後相受以尺爲分每領而有十尺即長一丈也分之於三里間之每里滿此乃迂其道而遠之以勢行之九如此則水可走上矣

行曲也謂下曲水道水之性行至曲必留退滿則後推遠張其勢而以行水

前謂水至處必流而却退其處既滿則後水推前水令去

地下則平行地高即控

控謂頻也言杜曲則擣毀杜猶衝也擣觸也言水行杜水頻挫而却杜曲則擣毀杜猶衝也擣觸也言水行杜

曲激則躍躍則倚倚排也謂前後相排也倚則環環則中前後相排

則圓流生空若中則涵圖流無所通則相涵激也涵則塞塞則移移

則控塞亦控也控則水妄行水妄行則傷人傷人則困困則

輕法輕法則難治難治則不孝不孝則不臣矣故五害

之屬傷殺之類禍福同矣知備此五者人君天地矣所謂

與天地桓公曰請問備五害之道管子對曰請除五害

之說以水爲始請爲置水官令習水者爲吏大夫大夫

佐各一人率部校長官佐各財足

財謂其祿廩

乃取水左右

各一人使爲都匠水工

爲水工之都匠

令之行水道城郭隄川

溝池官府寺舍及州中當繕治者給卒財足

卒謂所當治水者財

其糧用也

令曰常以秋歲末之時閱其民

閱謂省視

案家人比地

定什伍口數

案人比地有十口五口之數當受地若干

別男女大小其不爲

用者輒免之

謂其幼小不在役者則免之

有錮病不可作者疾之

著

名於疾者之數有以賙卹之也

可省作者半事之

謂疾者雖不任役可以省視作者取其半

功并行以定甲士當被兵之數上其都

因力役之際并行視之強壯者

預定之以爲甲士而被兵之都以臨下視有餘不足之數既而上其名藉於國都也

處輒下水官水官亦以甲士當被兵之數

都既臨下視其兵不足之

處即甲士下之於水官水官與三老里有司伍長行里既得甲士還以備兵數也

因父母案行閱具備水之器

謂水官與三老五長等行視其里因其家之父母與

之閱其備以冬無事之時籠函板築各什六

謂什人共貯六具下

水之器準土車什一雨輦什二

車輦所以禦雨故曰雨輦

食器兩具

每具人

有之錮藏里中以給喪器

謂人既有貯器當錮藏於後里中兼得給凶喪之用

常令水官吏與都匠因三老里有司伍長案行之常以

朔日始出具閱之取完堅補弊久去苦惡

其器既補弊而久有苦惡

者除常以冬少事之時令甲士以更次益薪積之水旁

州大夫將之唯母後時

謂將領之無得後時

其積薪也以事之已

已畢也農事既畢然後益薪

其作土也以事未起

謂春事未起

天地和調

日有長久以此觀之其利百倍故常以母事具器有事

用之水常可制而使母敗此謂素有備而豫具者也桓

公曰當何時作之管子曰春三月天地乾燥水糾列之

時也山川涸落天氣下地氣上萬物交通故事已新事

未起草木莢生可食寒暑調日夜分分之後夜日益短  
晝日益長利以作土功之事土乃益剛令甲士作隄大  
水之旁大其下小其上隨水而行地有不生草者必爲  
之囊大者爲之隄小者爲之防夾水四道禾稼不傷歲  
埤增之樹以荊棘以固其地襍之以栢楊以備決水民  
得其饒是謂流膏令下貧守之徃徃而爲界可以毋敗  
當夏三月天地氣壯大暑至萬物榮華利以疾藉殺草  
歲使令不欲擾命曰不長不利作土功之事放農焉利



皆耗十分之五土功不成當秋三月山川百泉踊降雨  
下山水出海路距雨露屬天地湊沒利以疾作收歛毋  
留一日把百日舖民毋男女皆行於野不利作土功之  
事濡濕日生土弱難成利耗什分之六土工之事亦不  
立當冬三月天地閉藏暑雨止大寒起萬物實熟利以  
填塞空郤繕邊城塗郭術平度量正權衡虛牢獄實厓  
倉君修樂與神明相望凡一年之事畢矣舉有功賞賢  
罰有罪遷有司之吏而第之不利作土工之事利耗什

分之七土剛不立晝日益短而夜日益長利以作室不利以作堂四時以得四害皆服桓公曰寡人悖不知四害之服奈何管仲對曰冬作土功發地藏則夏多暴雨秋霖不止春不收枯骨朽脊伐枯木而去之則夏旱至矣夏有大露原煙噎下百草人采食之傷人人多疾病而不止民乃恐殆君令五官之吏與三老里有司伍長行里順之令之家起火爲溫其田及宮中皆蓋井毋令毒下及食器將飲傷人有下蟲傷禾稼凡天菑害之下

也君子謹避之故不八九死也大寒大暑大風大雨其  
至不時者此謂四刑或遇以死或遇以生君子避之是  
亦傷人故吏者所以教順也三老里有司伍長者所以  
爲率也五者已具民無願者願其畢也故常以冬日順  
三老里有司伍長以冬賞罰使各應其賞而服其罰五  
者不可害則君之法犯矣此示民而易見故民不比也

桓公曰凡一年之中十二月作土功有時則爲之非其  
時而敗將何以待之管仲對曰常令水官之吏冬時行

隄防可治者章而上之都都以春少事作之已作之後  
常案行隄有毀作大雨各葆其所可治者趣治以徒隸  
給大雨隄防可衣者衣之衝水可据者据之終歲以毋  
敗爲固此謂備之常時禍何從來所以然者獨水蒙壤  
自塞而行者江河之謂也歲高其隄所以不沒也春冬  
取土於中秋夏取土於外濁水入之不能爲敗桓公曰  
善仲父之語寡人畢矣然則寡人何事乎哉亟爲寡人  
教側臣

管子卷十八

欽定四庫全書管要卷一萬三百七十一

子部

管子卷十九

唐 房玄齡 註

地員第五十八

地員者土地高下水泉深淺各有其位

雜篇九

夫管仲之匡天下也其施七尺

施者大尺之名也其長七尺

瀆田悉

徙瀆田謂穿溝瀆而溉田悉徙謂其地每年皆須更易也

五種無不宜其立后而

手實

謂立君以主之手常握此地之實數也

其木宜蜆菴與杜松

蜆菴二木名也

其草宜楚棘見是土也命之曰五施五七三十五尺而

至於泉

謂其地深五施每施七尺故五七三十五而至於泉也

呼音中角

謂此地號呼之

聲其音中角

其水倉其民彊赤壚歷彊肥

歷疎也彊堅也

五種無不

宜其麻白其布黃其草宜白茅與藿其木宜赤棠見是

土也命之曰四施四七二十八尺而至於泉呼音中商

其水白而甘其民壽黃唐無宜也

唐虛脆也

唯宜黍稷也宜

縣澤

常宜縣注而澤

行廐

音牆落

土既虛脆不堪版築故爲行廐及籬落也

地潤數毀

難以立邑置廐

其地遇潤則數頽毀故不可立邑置廐也

其草宜黍稷與茅

其木宜櫟榎桑

櫟木名榎桑又曰棠桑也

見是土也命之曰三施三

七十二一尺而至於泉呼音中宮其泉黃而糗流徙

謂水

糗糗之氣其泉居地中而流故曰流徙也

斥埴宜大菽與麥其草宜芻藿其

木宜杞

杞木名也

見是土也命之曰再施二十七尺而至

於泉呼音中羽其泉鹹水流徙黑埴宜稻麥其草宜葦

蔣

葦蔣草名也

其木宜白棠見是土也命之曰一施七尺而

至於泉呼音中徵其水黑而苦

凡聽徵如負猪豕覺而駭凡聽羽如鳴馬在野凡聽宮如牛鳴窳中凡聽商如離羣羊凡聽角如雉登木以鳴



音疾以清凡將起五音凡首

凡首謂音之總先也

先主一而三之

四開以合九九

一而三之即四也。以是四開合於五音九也。又凡九之爲八十一也。

以是

生黃鍾小素之首以成宮

素本宮八十一數生黃鍾之宮而爲五音之本

三分

而益之以一爲百有八爲徵

黃鍾之數本八十一益以三分之一二十七通前爲

百有八是不無有三分而去其乘適足以是生商

有即

不無

有也乘亦三分之一也三分百八而去一餘七十二是商之數也

有三分而復於其所

以是成羽

三分七十二而益其一分二合爲九十六是羽之數

有三分去其乘

適足以是成角

三分九十六去其一分餘六十四是角之數

墳延者六施六

七四十二尺而至於泉

墳延地名  
下皆此類

陝之芳七施七七四

十九尺而至於泉祀陝八施七八五十六尺而至於泉  
杜陵九施七九六十三尺而至於泉延陵十施七十尺  
而至於泉環陵十一施七十七尺而至於泉蔓山十二  
施八十四尺而至於泉付山十三施九十一尺而至於  
泉付山白徒十四施九十八尺而至於泉中陵十五施  
百五尺而至於泉青山十六施百一十二尺而至於泉  
青龍之所居庚泥不可得泉

庚續其處既有青龍居又  
沙泥相續故不可得泉也

赤壤勢山十七施百一十九尺而至於泉其下清商不

可得泉

清商神陸之名

山白壤十八施百二十六尺而至於

泉其下駢石不可得泉

言有石駢密故不可得泉

徙山十九施百三

十三尺而至於泉其下有灰壤不可得泉高陵土山二

十施百四十尺而至於泉山之上命之曰縣泉其地不

乾其草如茅與走

如茅走皆草名

其木乃櫟

櫟木名

鑿之二尺乃

至於泉山之上命曰復呂其草魚腸與藎其木乃柳鑿

之三尺而至於泉山之上命之曰泉英其草蘄白昌其

木乃楊鑿之五尺而至於泉山之材

材猶旁也

其草兢與蓄

音蓄

其木乃格鑿之二七十四尺而至於泉山之側其

草當與萋其木乃品榆鑿之三七二十一尺而至於泉

凡草土之道各有穀造

謂此地生某草宜其穀造成也

或高或下各有

草土藥下於欝

藥亦草名唯生藥無莖在欝之

欝下於

萋下於蒲蒲下於葦葦下於藿藿下於萋萋下於莽

莽下於蕭蕭下於薜薜下於萑萑下於茅凡彼草物有

十二哀

哀謂草上下相重次也

各有所歸

謂短者生於高者之下

九州之土

為九十物每州有常而物有次羣土之長是唯五粟五

粟之物或赤或青或白或黑或黃五粟五章五粟之狀

淖而不朒剛而不𪔐𪔐薄不濘車輪濘泥不汚手足其種大

重細重白莖白秀無不宜也五粟之土若在陵在山在

隤在衍其陰其陽盡宜桐柞莫不秀長其榆其柳其櫟

其桑其柘其櫟其槐其楊羣木蕃滋數大條直以長其

澤則多魚牧則宜牛羊其地其樊俱宜竹箭藻龜櫛檀

五臭生之薜荔白芷蘼蕪椒連五臭所校校謂馨烈之氣寡疾

難老士女皆好其民工巧其泉黃白其人夷姤

夷平也姤好也

言均善也五粟之土乾而不格

格謂堅禦也

湛而不澤無高下葆

澤以處言常潤也是謂粟土粟土之次曰五沃五沃之物或

赤或青或黃或白或黑五沃五物各有異則五沃之狀

剽忒索土蟲易全處

剽堅也忒密也索土謂其土多穴竅若索多穴故蟲處之易全

剽不白下乃以澤

既堅密故常潤濕而乾白此乃葆澤之地也

其種大苗細

苗音蝕莖黑秀箭長

蝕即赤也箭長謂若箭竹之長也

五沃之土若在

丘在山在陵在岡若在阨陵之陽其左其右宜彼羣木

桐柞扶櫨及彼白梓其梅其杏其桃其李其秀生莖起

其棘其棠其槐其楊其榆其桑其杞其枋羣木數大條

直以長其陰則生之楂槲其陽則安樹之五麻若高若

下不擇疇所其麻大者如箭如葦大長以美其細者如

藿如蒸欲有與各大者不類欲有施與則以小者則治

揣而藏之若衆練絲言細麻既治揣而藏故若練絲五臭疇生疇隴也謂爲隴

也而種蓮與蘼蕪藁本白芷其澤則多魚牧則宜牛羊其

泉白青其人堅勁寡有疥騷終無瘡瘡首疾也五沃瘡酒病也

之土乾而不斥

斥渴

湛而不澤無高下葆澤以處是謂

沃土沃土之次曰五位五位之物五色襍英各有異章

五位之狀不埒不灰

埒謂堅不相著

青志以落

音苔

及謂色青而細密和落

以相及也其種大葦無細葦無舣莖白秀五位之土若在岡

在陵在隤在衍在丘在山皆宜竹箭求鼃

求鼃亦竹類也櫛檀

其山之淺有龍與斥

龍斥並古草名

羣木安遂條長數大

安和易遂

競長數謂速長

其桑其松其杞其苴

苴木名

種木胥容榆桃柳棟

音煉

羣藥安生薑與桔梗小辛大蒙

大蒙藥名

其山之臯

臯猶顛也



多桔符榆其山之末有箭與苑其山之旁有彼黃蠶及

彼白昌山藜葦芒羣藥安聚以圍民殃其林其漉其槐

其棟其柞其穀羣木安遂鳥獸安施施謂有既為生有麋鹿

又且多鹿其泉青黑其人輕直省事少食言其性廉省事少食無

高下葆澤以處是謂位土位土之次曰五隱五隱之狀

黑土黑落落地衣也青休以肥芬然若灰芬然壤起貌其種樗葛

蝕莖黃秀志目志目謂穀實怒開也其葉若苑苑謂蘊結以蓄殖果木

不若三土三土謂五粟五沃五位以十分之二言於三土十分已不如其二分餘微

此是謂隱土隱土之次曰五壤五壤之狀芬然若澤若

屯土

言其土得澤則墳起爲堆故曰屯土也

其種大水腸細水腸蝕莖黃

秀以慈忍水旱無不宜也

耐忍

蓄殖果木不若三土以十

分之二是謂壤土壤土之次曰五浮五浮之狀捍然如

米

捍堅貌其土屑碎如米

以葆澤不離不圻其種隱忍

隱忍草名

隱忍葉

如藿葉以長狐茸

草之狀若狐也

黃莖黑莖黑秀其粟大無不

宜也蓄殖果木不如三土以十分之二凡上土三十物

種十二物中土曰五志五志之狀廩焉如塹

塹猶潤濕也

潤濕

以處其種大稷細稷赤莖黃秀慈忍水旱細粟如麻其繁

美若麻也蓄殖果木不若三土以十分之三悉土之次曰五

壚音五壚之狀彊力剛堅其種大邯鄲細邯鄲草莖葉

如扶櫬扶櫬亦草名其粟大言其粒大蓄殖果木不若三土以十

分之三壚土之次曰五壚五壚之狀芬焉若糠以肥謂其

地色黃而虛其種大荔細荔青莖黃秀蓄殖果木不若三土

以十分之三壚土之次曰五剝五剝之狀華然如芬以

脈謂其地色青紫若脈然也其種大柎細柎柎黑黍黑莖青秀蓄殖果

木不若三土以十分之四剝土之次曰五沙五沙之狀

粟焉如屑塵屬

言其地粟碎故若屑塵之屬屬踊起也

其種大萑細萑

萑草

名白莖青秀以蔓蓄殖果木不如三土以十分之四沙

土之次曰五埆五埆之狀累然如僕累

僕附也言其地附著而重累也

不忍水旱其種大樛杞細樛杞

木名

黑莖黑秀蓄殖果木

不若三土以十分之四凡中土三十物種二十物下土

曰五猶五猶之狀如糞其種大華細華

草名

白莖黑秀蓄

殖果木不如三土以十分之五猶土之次曰五弘五弘

之狀如鼠肝其種青梁黑莖黑秀蓄殖果木不如三土

以十分之五弘土之次曰五殖五殖之狀甚澤以疏離

圻以臞瘠其種鴈膳

草名

黑實朱跗黃實

跗花足也

蓄殖果木

不如三土以十分之六五殖之次曰五穀五穀之狀婁

婁然

婁婁疏也

不忍水旱其種大菽細菽多白實蓄殖果木

不如三土以十分之六穀土之次曰五鳧五鳧之狀堅

而不骷

雖堅不同骨之骷也

其種陵稻

陵稻謂陸生稻

黑鵝馬夫

皆草名也

蓄

殖果木不如三土以十分之七鳧土之次曰五桀五桀

之狀甚鹹以苦其物爲下其種白稻長狹謂稻之形長而狹也蓄

殖果木不如三土以十分之七凡下土三十物其種十

二物凡土物九十其種三十六

### 弟子職第五十九

雜篇十

先生施教弟子是則溫恭自虛必虛其心然後有所容也所受是極

極謂盡其本原見善從之聞義則服溫柔孝悌毋驕恃力驕而恃力

則羝羊觸藩志毋虛邪虛謂虛僞行必正直游居有常必就有德

顏色整齊中心必式法式夙興夜寐衣帶必飭朝益暮習

小心翼翼一此不解是謂學則

少者之事夜寐蚤作既拚盥漱

掃席前曰拚盥漱手漱滌口

執事有

恪攝衣共盥

謂供先生之盥器也

先生乃作沃盥徹盥

謂既盥而徹盥器也

沅拚正席

沅拚謂沅水而拚之

先生乃坐出入恭敬如見賓客危

坐鄉師顏色毋怍

怍謂變其容貌

受業之紀必由長

始者從長教也

一周則然其餘則否

謂始教一周則從長始一週之外則不然

始誦必作其

次則已

始誦而作以敬事端也至於次誦則不然

凡言與行思中以爲紀

思合中和以爲綱紀

古之將興者必由此

始必先中和後至就席狹坐則起狹坐之人見後若有

賓客弟子駿作迅起也對客無讓應且遂行趨進受命受

生所求雖不在必以反命求雖不得必當反白反坐復業若有所

疑捧手問之師出皆起至於食時先生將食弟子饌饋

饋謂選攝其食攝衽盥漱跪坐而饋置醬錯食陳膳毋悖凡置

彼食鳥獸魚鼈必先菜羹先菜後肉羹載中別載謂肉而細切

載在醬前遠載近醬食之便也其設要方其陳設食器要令成方也飯是爲卒

既飯而食左酒右醬左酒右醬陰陽也告具而退捧手而立三



飯二斗三

飯食必毀斗也

左執虛豆右執挾匕

匕者所以載鼎實故曰挾匕也

周還而貳

貳謂再盞

唯嚙之視曰嚙同嚙以齒

齒類也謂食者則以其所

盡之類而進

周則有始柄尺不跪是謂貳紀

豆有柄長尺則立而進之此是

再盞之類也

先生已食弟子乃徹趨走進漱拚前斂祭

既食畢掃

席前并搜斂所祭也

先生有命弟子乃食以齒相要坐必盡席

謂所

食坐盡前飯必捧桴羹不以手

當以挾也

亦有據膝毋有隱肘

隱肘

則大伏也既食乃飽循呬覆手

呬口也覆手而循之

振衽掃

席

謂振其底衽以拂席之汚

已食者作樞衣而降旋而鄉席各徹其

餽如於賓客

賓客食畢亦自徹也

既徹并器乃還而立

并謂藏凡去也

拚之道實水于盤

次用泛灑

攘臂袂及肘

恐濕其袂且不便於事也

堂上

則播灑室中握手

堂上寬故播散而中隘故握手爲掬以灑

執箕膺操厥

中有帚

搢舌也既灑水將掃之故執箕以舌自當置帚於箕中也

入戶而立其儀不

忒執帚下箕倚于戶側

謂倚箕於戶側也

凡拚之紀必由奧始

西南俯仰磬折拚母有徹

徹動也不得觸動他物也

拚前而退

謂從前掃

而却聚於戶內

謂聚其所埽之穢壤於戶內也

坐板排之

板穢時以手排之也

葉適已

適已猶向已也

實帚于箕先生若作乃興而辭

以拚未畢故辭

之令坐執而立

坐執謂獨坐執箕也

遂出棄之既拚反立是協是

稽

協合也稽考也謂合考書義也

暮食復禮

謂復朝之禮也

昏將舉火執燭隅

坐錯總之法橫于坐所

總設燭之束也

櫛之遠近乃承厥火

謂櫛

燭盡察其將盡之遠近

居句如矩

句謂著燭處言居燭於句如前燭之法矩

法蒸閒容蒸然者處下

蒸細薪者蒸之間必令容捧碗蒸然燭者必處下以焚也

以爲緒

緒然燭燼也梳所以貯緒也

右手執燭左手正櫛有墮代燭

燒燭者有墮即

交坐毋倍尊者乃取厥櫛遂出是去先

生將息弟子皆起敬奉枕席問何所趾倅衽則請有常

有否

俶始也變其衽席則當問其所趾若有常處則不請也

先生既息各就其友

相切相磋各長其儀周則復始是謂弟子之紀

言昭第六十

闕

雜篇十一

修身第六十一

闕

雜篇十二

問霸第六十二

闕

雜篇十三

牧民解第六十三

闕

管子解一

管子卷十九